



皇明通紀

伊8
1965
/





新刻皇明通紀統宗序

東莞臣陳建撰

臣建 往為

皇明啟運錄述我

太祖高皇帝俊德成功始終次第之詳矣

宮端泰泉黃先生見之諗建曰昔漢中

葉有司馬遷史記有班固漢書有荀悅



漢紀宋中葉有李燾長編皆蒐載當時
累朝致治之迹以昭示天下我

朝自

太祖開基

聖子神孫重光繼照垂二百禩矣而未
紀者子纂述是志盍併圖之以成昭代
不刊之典也建初辭焉愧乏三長何敢

僭踰及此然竊自念素性有癖焉自少
壯時癖好博覽多識解組歸山林日長
每繙閱我

朝制書洎邇來諸名公所撰次諸書凡數
十餘種積於胸中又之不能自制迺時
時拈筆書之取其有資于治可通為鑑
者編年次之參互考訂正其舛疑又久

之不覺盈帙雖之三長續貂苟李汗顏
班馬不計也夫自古國家莫不有創業
垂統焉亦莫不有持盈守成焉我

朝

洪武開國四十餘年之事無非所謂創業
垂統也啟運一錄備矣繼自

永樂下迨

正德凡八朝一佰二十四年之事無非所
謂持盈守成也則今通紀具焉紀成就
粹非敢自謂昭代成史迺爲後之秉史
筆君子屬稿云爾啟運錄舊已粹完難
於再編改刻然二之又不是故今併冠
以通紀之名而版刻姑仍舊合前後共
爲一書云抑嘗因此閱歷世變尤有感

烏

祖宗時士馬精強邊烽少警而後來則胡騎徃徃深入無忌也

祖宗時風俗淳美真才輩出而邇來則漸澆漓也

祖宗時法度昭明而邇來則變易廢弛比此也推之天下莫不皆然是果世變成

江河之趨而不可挽與抑人事之得失有以致之也愚間因次錄閱事變不能自己於懷輒僭著評議或采時賢確言誠欲爲當世借前箸籌之臣挽回

祖宗之盛所深願焉而力莫之能與也有志於世道者尚相與商之嘉靖歲在乙卯仲夏之吉東莞清瀾居士臣陳建拜

手稽首謹書

序畢

自... 皇明... 太祖... 順帝... 集慶... 吳王... 建元... 十一年... 以... 之... 澄... 建文... 皇明... 太祖... 順帝... 集慶... 吳王... 建元... 十一年... 以... 之... 澄... 建文...

○我明聖君嗣統源流

太祖生於濠州龍光昭燦人皆驚異至二十七歲元順帝壬辰三月起兵後代滁陽王將兵渡江取太平集慶及江州南昌武昌兩淮兩浙為吳國公十年為吳王三年稱吳元一年自是臣民推戴遂混一天下建元洪武國號曰大明即皇帝位於南京應天府三十一年於戊寅年五月初十日崩傳位於長孫炆文以炆文之父未及嗣統而先崩故長孫炆文嗣太祖之統此理也亦勢也迨至永樂因姪建文誤聽黃子澄齊泰削藩之謀遂起靖難之師以清國祚而嗣姪建文之統此理也亦勢也厥後洪熙嗣其父永樂之

統宣德嗣其父洪熙之統。正統又嗣其父宣德之統。柰以幼冲踐祚，誤聽奸臣王振，閱武親征，而陷虜中，不得已。皇太后計立皇弟祁鈺，改元景泰，以緩國祚。厥後正統北還，改元天順。成化嗣其父天順之統。弘治嗣其父成化之統。天下稱聖明，而蒙至治焉。正德以潛謀不軌，而宗社幾危。卒之，嗣繼統克遵太祖。兄終弟及之訓，遂迎皇弟厚煜入紹大統，建元嘉靖。隆慶嗣其父嘉靖之統。而萬曆君嗣其父隆慶之統。而萬曆稱至治，猗矣盛哉。

○大明世統徽號

太祖高皇帝
成祖文皇帝
仁宗昭皇帝
宣宗章皇帝
英宗睿皇帝
景皇帝
英宗睿皇帝
憲宗純皇帝
孝宗敬皇帝
武宗毅皇帝
世宗肅皇帝

洪武戊申元年至三十五年
永樂癸未元年至二十二年
洪熙乙巳元年一年
宣德丙午元年至十年
正統丙辰元年至十四年
景泰庚午元年至七年
天順丁丑元年至八年
成化乙酉元年至三十三年
弘治戊申元年至十八年
正德丙寅元年至十六年
嘉靖壬午元年至四十五年

穆宗莊皇帝。

隆慶丁卯元年至六年。

當今萬歲皇帝。

萬曆癸酉元年至萬萬年。

○洪武朝封功臣十二人。

○徐達 初從我

太祖之徵為大元帥破元兵擒士誠追北虜平定中

原為元功第一進階右丞相封魏國公追封中山

王謚武寧尚像功臣祠配享 太廟子輝襲魏國

公孫景襲定國公

○常遇春 初棄劉聚率兵從我

太祖於滁州為副元帥破元兵攻士誠擒友諒平定

中原皆有大功未及受封薨於柳河川追封開平

王謚忠武尚像功臣祠配享

太廟子茂襲國公

○李善長 初謁我

太祖於滁州為參軍轉運糧草餽餉不乏明仁義與

禮樂有大功進階左丞相封韓國公

○劉基 初於慶州以胡大海入見我

太祖為軍師運籌決勝知天文達地理辨興亡識成

見為謀臣第一後因辭爵受誠意伯子棟襲職

○李文忠 太祖姊公主子也幼從

太祖起義兵平定廣浙追逐北虜皆有奇功封曹國

公追封岐陽王謚忠武尚像功臣祠配享 太廟

第三子景隆襲曹國公

○鄧愈 初從我

太祖破元兵平隴右攻定西鎮守邊隅皆有大功封

衛國公追封寧河王謚武順肖像功臣祠配享

太廟

○湯和 初從我

太祖於禮館中後破方谷珍陳友定攻西蜀皆有大

功封信國公追封東甌王謚襄武肖像功臣祠配

享太廟子鼎僉前軍都督府事

○沐英 初育於

太祖從起義兵擒友諒攻士誠平定雲南皆有大功

封黔國公追封黔寧王謚昭靖肖像功臣祠配享

太廟子春襲公爵

○馮勝 初從我

太祖於濠州破元兵擒友諒追北虜皆有大功封保國

公

○郭英 初從我

太祖破元兵擒友諒縛士誠追北虜皆有大功封武定

侯

○傅友德 初從我

太祖於安慶破士誠追北虜平西蜀皆有大功封穎

國公

○廖永忠 自巢湖歸我

太祖戰士誠友諒破方國琮克友定從征西蜀皆有
功封德慶侯以上功臣三傑比漢之三傑

○太祖封列侯五十二人

- | | | | | | |
|-----|------|-----|-----|-----|-----|
| 朱大正 | 都督制大 | 耿炳文 | 長興侯 | 費聚 | 平涼侯 |
| 胡德濟 | 東川侯 | 吳良 | 江陰侯 | 朱亮祖 | 永嘉侯 |
| 張溫 | 會寧侯 | 康茂才 | 蕪春侯 | 俞通源 | 平涼侯 |
| 華高 | 廣德侯 | 曹良臣 | 宜寧侯 | 薛顯 | 永成侯 |
| 俞通淵 | 嵩越侯 | 郭子興 | 鞏昌侯 | 孫興祖 | 燕山侯 |
| 唐勝宗 | 延安侯 | 陸仲亨 | 吉安侯 | 周德興 | 江夏侯 |
| 華雲龍 | 淮安侯 | 顧時 | 濟寧侯 | 吳禎 | 靖寧侯 |
| 陳德 | 臨江侯 | 王志 | 陸安侯 | 鄭遇春 | 滎陽侯 |

○壁

- | | | | | | |
|-----|-----|-----|-----|-----|-----|
| 趙庸 | 南雄侯 | 楊璟 | 滎陽侯 | 張興祖 | 東勝侯 |
| 蔡遷 | 安遠侯 | 胡美 | 臨川侯 | 韓政 | 東平侯 |
| 吳復 | 安陸侯 | 金朝興 | 宣德侯 | 侏成 | 安慶侯 |
| 梅思祖 | 汝南侯 | 黃彬 | 宜春侯 | 葉昇 | 靖寧侯 |
| 張龍 | 鳳翔侯 | 王弼 | 定遠侯 | 張赫 | 航海侯 |
| 李新 | 崇山侯 | 謝桓 | 晉安侯 | 朱壽 | 舳艫侯 |
| 謝成 | 永平侯 | 鄭用 | 武安侯 | 孫世 | 富春侯 |
| 張翼 | 雀夢侯 | 張銓 | 永寧侯 | 陳文 | 東海侯 |
| 高顯 | 汝陰侯 | 陳清 | 合浦侯 | | |

○守禦郡邑及陣亡出使死節忠義文武功臣追封
列爵共七十五人

朱文選 太平王 朱文剛 慶陽王 胡大海 越國公
 耿再成 泗國公 廖永安 楚國公 張德勝 蔡國公
 桑士傑 永義侯 花雲 東丘侯 葉琛 南陽侯
 耿君用 長興侯 王禕 翰林學士 謚忠文
 趙忠 南昌侯 馮國用 郢國公 俞廷玉 河澗侯
 俞通海 光祿大夫 孫炎 泗國公 李實 大都督
 汪興祖 許瑗 胡深 縉雲伯
 劉友仁 曾萬中 王愷 深 縉雲伯
 朱顯忠 陳壽 茅成 東海郡
 ○塑像於豫章立忠節廟者十三人
 趙德勝 梁國公 李繼 隴西侯 劉濟 彭城郡

許圭 隴西侯 張子明 忠節侯 張德山 千戶
 牛海龍 高陽郡 趙國昭 天水侯 朱潛 吉安郡
 徐明 夏茂誠 總管使 葉思成 保真侯
 趙天麟 天水伯
 追封於康郎山忠節廟者三十六人
 韓成 高陽侯 宋貴 京兆郡 陳兆先 頴上侯
 王勝 大原郡 丁普 濟陽郡 李信 隴西郡
 后明 梁山縣 姜潤 定遠侯 王咬住 大原郡
 王鳳顯 羅山縣 李志高 隴西侯 程國勝 安定郡
 鄭興表 隨縣男 常惟德 懷遠侯 王德 合肥縣
 朱鼎 合肥縣 張志雄 清河侯 王清 盱眙縣

○守禦郡邑及在廷佐輔文武功臣自列侯而下者
 共二十八人

常德勝壽春侯 華昌虹縣侯 文貴汝南郡侯
 俞泉丁邳郡侯 陳冲巢遠縣子 王喜先定遠縣子
 王澤廬江縣子 丁合常山縣子 遠德山汝陽縣子
 羅世榮隨興縣子 史德勝定遠縣子 徐公輔東海郡侯
 劉義彭城郡侯 陳弼潁川郡侯 裴軫定遠縣子
 王理五河縣南 王仁豐城縣男 曹信含山縣男

陶安學士知制誥 宋濂學士承旨知制誥 章溢御史中丞
 馮誠國用長子職 張天祐天祐 吳昇昇
 耿天璧情文子職 郭景祥督府參軍 李夢庚庚

○永樂朝封功臣九人

侯元善 張德興 趙誠
 王銘武畧將 阮弘道 李習
 王瑛 王宗顯府知 繆美
 丁德興 汪河都事 范常
 朱絢千戶 于七 郭子明
 馮宗異參將 韓觀成子帶刀侍衛指揮

○金忠浙江鄞縣人精於卜靖難師將起召忠卜之忠以大吉告之遂署紀善之命命侍帷幄用其謀策後封為成安侯

○僧道衍即姚廣孝也蘇州長洲人靖難之苗實

起於斯人。後登極封為永春侯。

○袁珙相士也。吉安廬陵人。入酒肆。一見成祖。即趨拜。王前占其為他日太平天子。後成祖即位。封為祥興侯。

○承命都指揮張玉將中軍。朱能將左軍。李彬將右軍。徐忠將前軍。房寬將後軍。張玉率軍齊進。大敗南軍。俱有功封侯。

○張玉河南祥符人。東昌之敗。成祖衝擊而出。玉不知王所。突入戰陣。大戰殺數百人。玉亦被刺而死。後成祖語諸將曰。勝負兵家常事。此不足計。所恨者靖難之際。失一張玉良輔。吾至今寤。

不貼席食。不下咽。隕涕不已。後既正大統。行報功

之典。追封榮國公。配享太廟。

○王真。右護衛百戶。率師與南軍大戰。身被十餘傷。氣愈奮。猶斬南兵數十。自度後隊不繼。乃馬上自刃而死。後追封金鄉侯。配享廟庭。

○建文朝忠臣一十九人。

○方孝孺為翰林院侍讀。忠義之氣凜凜。擲筆于地。死不草詔。對成祖曰。死則死耳。詔不可草。後滅其族。而磔於市。

○顏伯瑋。江西廬陵人。為沛縣知縣。時靖難攻沛。伯瑋死之。瑋。顏真卿之後。有詩題於御史行臺。

按一本
何字下
有聖字

壁曰太守諸公鑒此情只因國難未能平丹心不改忠臣節青史誰書縣尹名一木豈能支大厦三軍空復築長城吾徒雖死終無憾望采民艱達聖明二鼓師入東門伯瑋冠帶拜堂再拜慟哭曰臣無以報國矣遂自縊而死主簿唐清典史黃謙亦不屈而死

○濟陽縣教諭王省江西吉水人靖難兵至集諸生於明倫堂上曰今日君臣之義何遂大哭以頭觸堂柱而死

○御史康郁斷事高巍與鐵鉉同盟協力固守濟南以死自誓

○禮部侍郎黃觀往安慶備撰王叔英往廣德都史練子寧往杭州募兵入援三人奉詔奮不顧家至事勢不可為皆不屈而死

○揚州守備崇剛監軍御史王彬皆不屈而死

○兵部尚書鐵鉉被縛入見正言不屈碎分其軀至死罵聲不絕

○禮部尚書陳迪宣城人執至陛前責問慢罵不屈與子鳳山等同日就戮臨刑罵不絕口

○刑部暴昭潞州人被執抗罵不屈成祖大怒先去其齒次斷手足罵聲不絕至斷頭乃死

○禮部侍郎黃觀知大事已去不可支乃衣朝服

第字下
有刺血
書憤詞
襟上曰
八字吉
字下有
文天二

缺字下
有妻字

東向再拜即就於湍急處投水而死其妻翁氏
携二女沉於通濟橋下亦死

翰林修撰王叔英知事不可為乃沐浴具衣冠
書絕命詞畢遂自縊而死妻亦自縊二女亦赴
井而死

御史曾鳳韶吉安廬陵人素行率直讀書而入
登進士之第仕宦而至綉衣即既一死之深
宜可以含笑於地下而不愧吾祥矣書畢遂自
刎妻劉氏亦自縊而死

浙江按察史王良河南祥符人靖難師既入京
良慟哭誓以必死還坐堂上悉收諸司印攜歸

解與其妻訣先自投於池而死遂舉裂帛攜印
與家人同赴火死

御史景清陝西真寧人洪武甲戌廷試第二
擢為左僉都御史時清朝畢將犯駕成祖命左
右搜之得清劔清知志不遂乃躍起奮立嫚罵
聲不絕口成祖大怒命磔之掘其先墓而滅
其族

劉璟乃劉基仲子太祖愛之以金書除姦摘佞
四字賜之令糾正不法者聞成祖登極臥家
不起成祖授以官不受對成祖猶云殿下
忤旨下獄一夕遂辨髮自縊而死

○正統朝奸臣王振姓氏

○王振山西大同人初侍正統於東宮及即位命掌司禮監正統寵信之振遂擅權大作威福正統親征北虜而陷乘輿於虜中誤國之大莫甚於此於是六部六科道交章劾之亦死于虜

○正統朝陞封迎復功臣人等不盡數特大畧耳

○吏部尚書王直上疏謂上皇在虜宜迎復位勿使有他日之悔景泰不憚意在不還位也直此疏其有功於正統者大矣

○少保于謙對景泰曰大位已定孰敢有議彼時大位付托殿下者無他故特示中國之有君以

紆邊患耳景泰意始釋曰從汝從汝言已即退群臣出大監興安復出傳旨迎駕上皇至唐家嶺遣使回京百官迎於安定門上皇從安定門入景泰迎拜上皇答拜畢景泰與上皇相抱而哭各述授受之意推遜良久乃送上皇於南宮群臣就見而退大赦天下後景泰病亟不朝群臣楊善徐有貞等謀迎上皇復位陰結中官曹吉祥等白於皇太后通報於南宮於是夜遂薄南宮城入見上皇時天色昭明星月交輝共掖上皇登輿馭吏鍾鼓鳴而上皇已復位矣群臣遂入賀改景泰八年為天順元

年於是迎復功臣命徐有貞為翰林學士入內閣典機務明白陞有貞為兵部尚書兼職如故
○出禮部郎中章綸於獄擢為禮部右侍郎
○進封武清侯石亨為忠國公
○進都督張軼為太平侯
○進張軼為文安侯
○進都御史楊善為興濟伯子孫世襲其餘陞封迎駕功臣者多已見正續原本

○正德朝奸臣劉瑾逆藩宸濠忠臣御史孫燧按察司副使許逵
○奸臣劉瑾時張忠等上疏言瑾流毒海內激變寧夏心不自安陰謀不軌其形已著宜早擒之

正德允其奏而逆瑾伏誅矣未幾逆藩宸濠又反殺巡撫都御史孫燧按察司副使許逵至是提督南贛都御史王守仁就於鄱陽湖處起兵討之宸濠就擒而我皇朝之洪岳于是乎鞏固矣
武宗皇帝於正德十六年三月丙寅崩武宗無嗣皇太后遵祖訓兄終弟及之旨遣文武大臣迎
嘉靖皇帝於興邸入繼大統嘉靖初遂贈孫燧禮部尚書謚忠烈許逵右副都御史謚忠節立祠省城祀之賜額曰旌忠

新鐫李卓吾先生增補批點皇明正續合併通紀統宗卷之一

洪武

粵濱逸史清瀾釣叟 東莞陳建輯著

太祖高皇帝

姓朱。郡名元龍。肅將天威。戡定群雄。起濠穎。戰滁和。拔北。通建都金陵。謂之南京。大明建號。必開天洪武紀年。而表正戊申。

此一紀裁

李卓吾太祖初因亂倡義起兵渡江之事。自辛卯至乙未凡五年。

批點

辛卯元順帝至正十一年

夏穎州人劉福通徐州蕭縣人李二蕪州羅田人徐壽輝等起兵攻陷郡

縣天下大亂自胡元入主中國人心痛憤傳至順帝即位日夕宴安失德災異屢見四方盜賊蜂起有司不能制是年又聽邪臣賈魯之言發河南北丁夫十七萬開濬黃河故道民心益愁怨思亂先是童謠云石人一隻

取天下者惟
漢高祖除
暴秦我
太祖逐胡
元光明正
大唐宋不
能及也

李卓吾批點皇明通紀統宗卷之一

吾開中國用
夏夷未
聞以胡元
為中主是
亦理也勢
也元符之
亡是係於
此

里中童謡與
土中人
相慮豈非
天意亡元
之兆耶

四方咸願真
天子出者
過於順帝
之不道亦

眼挑動黃河天下反及開河果於黃陵崗得石人一眼而徐穎斬黃之兵
起初樂城人韓山童自祖父以白蓮會燒香感眾至山童倡言天下大亂
彌勒佛下生明王出世河南江淮之人翕然信之福通與其黨杜遵道羅
文素韓咬兒等復詭言謂山童實宋徽宗八世孫當為中國主殺白馬黑
牛誓星天地約同起兵以紅巾為號事覺縣官捕之急山童就擒其子韓
林兒逃之武安惟福通黨盛不可制遂反陷潁州又攻破羅山確山上蔡
真陽等縣遂陷汝寧府及光州息州衆至十萬李二號芝麻李亦以燒香
聚眾與其趙均用彭早住攻陷徐州據之徐壽輝與其黨倪文俊鄒普勝
等亦以妖術聚眾舉兵亦以紅巾為號攻陷蘄水縣及黃州路僭稱皇帝
國號天完改元治平未幾復陷漢陽興國武昌九江袁瑞饒信南康吉安
建昌安陸沔陽荊岳徽杭等郡自是南北郡縣多陷沒群雄割據戰爭無
虛日四方塗炭民不聊生成願真天子出矣

正 壬辰元至正十二年

子興之兵亦
以起為
生隆泰成
於胡元而
故易真主
以代之耳
豈有他故

二月定遠郭子興等起兵據濠州子興見徐穎兵起列郡騷動遂與其黨
孫德崖等舉兵自稱元帥攻拔濠州據之元將徹里不花率兵欲復濠城
憚不敢進惟日掠良民為盜以邀賞由是民益恟不安其豪傑咸投入
城以自保時我太祖高皇帝潛龍在野託身於濠州皇覺寺及是大亂
寺僧散去上祝伽藍神卜玆得吉乃以閏三月朔入濠城避兵

濠州即古塗山國神禹會諸侯之所春秋時為鍾離今之鳳陽府

也周世宗顯德中至淮南嘗言荆塗二山為濠州朝岡有王者氣後
三百年而我太祖出焉地理之符豈偶然哉

正 上之先世江東句容朱家巷入至皇太父熙祖始渡淮家泗州 皇考
仁祖淳皇帝與 太后陳氏始遷濠州之西鄉後遷太平鄉后夢一神人
朱衣象簡餽藥如丸燁有光吞之既覺異香襲體遂娠焉及誕有光燭

神人之夢凡
藥之吞自
真命天子

在何患胡元不滅大明不與

天照耀千里異香經宿不散時元大曆元年戊辰九月十八日也河上取
水澡浴忽有紅羅浮來遂取衣之故所居名紅羅障自是室中常有神光
每嚮晦將臥忽灼爍如焚家人慮失火亟起視之惟堂前供神之燈耳數
日後忽不餘食仁祖求醫歸有一僧坐於門曰翁何往仁祖告以故
僧曰何妨至夜子時自能食仁祖謝許為徒入家取茶僧不知何往夜
半果能食兒時苦多病仁祖議捨入僧寺陳太后不欲至正四年甲申
上年十有七時天灾流行疫癘大作仁祖及陳太后俱遭疾同月辭
世兄南昌王臨淮王亦先後疫歿值歲復旱蝗盱眙王走他境度荒未幾
亦歿上孤立無依乃遵先志託身於皇覺寺師事高彬在寺居室有紅光
近視不見衆咸異之居寺兩月寺主以歲荒散遣徒衆上乃出遊江淮
西歷金斗東抵光息北至潁州道中遇疾有紫衣兩人與之同寢食病愈
莫知所之嘗夜陷麻湖中遇群童稱迎聖駕叱之不見崎嶇三載乃還於

天將降大任於太祖故先使之歷試諸艱總之上天王成太祖之意

太祖初出為商元帥親兵而信任之篤卒以機奇之女配之劍之為聖廟清胡元一筆天下亦筆基於此

元主荒淫日甚天怒民怨群推四起無怪乎其然

皇覺寺中至是遇亂謀入濠城避兵至城門守者執之欲加害郭元帥勅
而免之撫之麾下間召與語悅之取為親兵日加親信事必與謀遂以
孝慈皇后配焉后姓馬氏宿州閔子鄉新豐里人早喪父母郭元帥撫育
之為已女上既在甥館日掌征討之事
大明一統之業基於此矣

謹按孟軻氏曰天之將降大任於是人也必先苦其心志勞其筋骨餓
其體膚空乏其身行拂亂其所為所以動心忍性曾益其所不能
嗚呼斯言也一驗之於虞舜再驗之於我太祖先聖後聖其揆一也
如此夫

正御製文集云太祖自叙其起兵之由曰昔在辛卯有元至正君弱政不
務臣弄權擅威福海內失馭邪術倡亂遂致王綱解紐天下紛紛其年汝
穎蕪黃民皆為逆次年徐宿熾然盜起蔓延及鍾離定遠民棄農業執刃器
趨凶者數萬當時貪官污吏莫敢誰何未幾壬辰二月二十七日陷濠城
而拒守之哨掠四鄉焚燒廬舍蕩盡民財屋無一椽丘瓦墻無一堵可觀

元主率兵攻城虜掠良民亡胡之兆寔由於是

良民受害動前日萌進之心

永巾皆絳

太祖卜琰而神許之以起義兵人推戴何者而非天意

不兩月越境犯他邑所過亦然時官軍久不見至失民依望棄順效逆之心萌矣俄而胡帥至乃徹里不花率騎三千會偕城州主謀營城南三十里聲攻城而遂巡不進惟是四掠良民得之則以絳繫首稱為亂民獻俘於上請給其功於是良民受害激動前日萌進之心是有呼親與舊相繼入城合勢共守以相拒以守則穩如泰山若以胡帥攻之則如蚍蜉之撼石柱識者以為胡亡自是始也予當是時尚潛草野托身緇流兩畏而難前欲出為元慮繫絳以廢生不出亦慮紅軍入鄉以傷命於是禱於伽藍祝曰處在壬辰紀年至正十二而民人盡亂衣巾皆絳赤幟蔽野殺入如麻良善者生不保朝暮予尤恐之特祝神避凶趨吉惟聖決之若許出境以全生以琰投於地神當以陽報若許以守舊則以一陰一陽報我祝畢以琰投之於地其琰雙陰之前所祝者兩不許予乃深思而再祝者神乃聰明不佞予篤然而祈之神不為我決既不出而不守舊果何報耶請報

太祖決琰所向以起兵而元馬遂迂此天授也非人力矣

太祖入濠城守者不由分訴而欲斬之亦危矣但有天意在自然出必而入

我陽琰予備糗以往以琰擲於地其琰仍陰之就而祝曰莫不容予倡義否若是則復陰之以琰投地果陰之方知神報如是再祝曰倡義必凶予心甚恐求陽琰以逃之琰落仍陰之更祝神必逃神當決我以陽以琰投於地神既不許以琰不陰不陽一琰卓然而立予乃信之白神曰果倡義而後倡乎神不誤我肯復以琰陰之以琰投於地果陰之予遂決入濠城以壬辰閏三月初一日至城門守者不由分訴執而欲斬之良人得釋被收為步卒入伍既兩月餘為親兵終歲如之當時予雖在微卒嘗觀帥首之作度之既以甚冰良謀明年春元將賈魯死城圍解予歸鄉里收殘民數百獻之於上官授我偽鎮撫當年冬彭趙僭稱部下者多凌辱入予識彼非道棄數百人內率二十四名銳者南遊定遠忽有義旅來歸者予率練之六月取橫澗山破義兵營得軍二萬餘入滁陽置城以守之又明年春兵入和陽與元兵戰三月而元兵解去乙未夏六月親渡采石以下

本古此... 卷一

姑熟丙申入運業又數年西定湖湘東平吳越江南已定臣民推戴以明年戊申正月即皇帝位

此叙太祖入濠起義兵始終滅元的原由

謹按太祖高皇帝龍興混一規模大畧俱見於此太祖高皇帝生於元泰定戊辰年九月丁丑日未時初望雲氣者言淮西當出天子至是我太祖生於濠州龍光昭輝人皆驚異至二十七歲元順帝壬辰三月起兵後代濠陽王將兵渡江取太平集慶及江州南昌兩淮兩浙為吳國公十年為吳王三年稱吳元一年混一天下即皇帝位於南京應天府三十一年於戊辰歲閏五月初十日崩享壽七十一原聖祖起兵之一統之業俱兆於伽藍一校之中而胡元之鼎遂遷矣

郭元帥被囚太祖赴救見太祖不

正九月丞相脫兵既破徐州芝麻李遁去趙均用彭早住率其餘黨奔濠州脫命曹魯道圍之上與郭元帥竭力拒守屢敗元兵時彭趙來濠郭元帥屈已下之遂為所制彭趙遂據濠城稱王一日執郭元帥囚於

忘前恩愛人以德處

獄上自軍歸曰再生父母有難可不赴乎遂入元帥家明日彭趙聞遣入釋之

正癸巳元至正十三年

春元將賈魯死元兵散去濠城圍解上在郭元帥甥館掌兵有救天下安生民之志乃糾合義旅招延豪傑於是鄉里壯士徐達等數十人率先歸附

糾合義旅招延豪傑便有畜天下之志

徐達等二十四將以天意既命太祖為天子自然有英

徐達才畧智勇悉超群英
吳良器度雄偉勇畧著稱
花雲長身鐵面驍勇絕倫
顧時志氣倜儻勇敢善戰
耿再成勇力出群識見

湯和倜儻多智沉毅勇決
吳禎自少卓犖膽畧過人
陳德勇畧負志尤善騎射
費聚勇而有志才貌雄偉
耿炳文沉勇果毅將畧

陸仲亨生而武勇剛毅

唐勝宗智勇兼人才氣

雄豪杰四起而輔翼之是以取天下猶及手也

名將馮國用等投降太祖就虎風雲之會也後達成大功明良相遇也

華雲龍才勇過人善運劍常遇春智勇兼資超出倫郭興拳勇有力騎射絕人郭英沉毅多智膂力善射胡海少有太志長而剛毅謝成少有勇力長而果殺陳桓長軀偉貌膂力超群張龍形質魁岸勇力善射李新材勇著聞儕輩推服張赫器度開豁勇畧兼資張銓勇力善射少喜談兵周德興少有勇畧騎射精右二十四將皆濠州人後皆為開國功臣封公侯賜鐵券焉建為此錄功臣惟封公侯伯者詳其始卒餘不能一一載矣

國用金陵龍蹠虎踞云儒者之言太祖有此良輔混一天下何難

太祖以長者之禮待李善長此當用之際禮常如是百何嫌於屈吳復聚眾立寨保護鄉里亦亂世之豪杰

曰爾被服若是其儒生耶因問定天下計將安出國用對曰金陵龍蹠虎踞真帝王之都願先拔金陵而定鼎然後命將四征掃除群寇救生靈於水火勿貪子女玉帛倡仁義以收人心天下不難定也上大悅曰吾意正如是遂待以心膂俾兄弟皆居帷幄贊兵政預機密宿衛左右國勝名勝又名宗異○定遠人李善長來謁上見其為長者禮之與語竟日皆合上大喜遂留幕下俾掌書記預謀議贊軍機畫餽餉甚見親信上從容語善長曰方今群雄並爭非有智者不可與謀議吾觀群雄中持衆牘及謀事者多敗左右將士將士弗得效其能以至於敗主者安得獨存故相繼而亡汝宜鑒其失務協諸將以成功無效彼所為也○廬州合肥人吳復率眾歸附復沉鷺少言笑勇略過人遇亂聚眾立寨保護鄉里復為千戶至是率所部伏謁上俾領前鋒○定遠人丁德興歸附德興驍勇善戰面黑貌偉上以黑字呼之六月從攻洪山寨敵兵數千德

天下名將望風咸歸附混一帝都又何難

太祖命趙德勝為先鋒度才器使也

外甥見舅如見娘

興所率者纔百人一鼓而破之擒其偽師降其衆○七月

上將兵取滁州花雲為先鋒單騎前行遇賊數千人於道顧後騎尚未至

欲退不可雲獨提劍躍馬衛上橫衝其陣而過賊大驚曰此黑將軍勇

甚不可與爭鋒兵既至遂克滁城因駐師焉○濠州人趙德勝來謁德勝

狀貌魁偉膂力過人尤能馬上運槊捷疾如飛人不敢近州縣選為義兵

隊長德勝知時事不可為棄之來歸上喜其才勇可為騎將即命為

帳前先鋒○兄子朱文正及姊子李文忠來歸文正南昌王子也先同其

母避亂與

上相失焉文忠曹國長公主子也公主卒父隴西王禎攜文忠走亂軍中

幾不存至是聞上駐師滁陽皆來歸眷屬復聚

上喜甚文忠時年十二見上牽衣而戲上曰外甥見舅如見娘也郎

取文忠自養育擇師教之與沐英皆賜姓朱氏英定遠人先是英年八歲

因兵亂父母俱亡然無依上見而憐之與

孝慈皇后撫育之為子至是年十歲矣

謹按李文忠沐英二臣初皆幼孤遭亂流離瑣尾幾不能存而我

聖祖一育成之後皆為元勳名將貴極王公同休于國蓋無往而非天

地儲才以隆我皇明一統之盛際也嗚呼豈偶然哉

續時太祖幕下者有李善長李文忠鄧愈湯和華雲龍陸仲亨花雲吳禎

耿炳文耿再成吳良沐英趙德勝丁德興孫炎馮國用馮國勝顧時趙繼

祖郭子興節英朱文正朱文英朱文遜朱文剛共二十員豪傑日相講議

定天下之略漸成宏遠規模矣一日太祖在館中聚眾議曰吾欲於諸

將立大將統攝軍機未知何人何用參謀李善長言曰殿下若欲立大

將須召募天下豪傑方可選用今幕下諸將恐未克任昔日漢高祖問蕭

何曰吾欲於周勃灌嬰樊噲王陵四將中立一人為元帥宜否何曰皆不

自古豪杰皆流離瑣尾室獨文忠沐英朕

太祖龍飛群英鳳附風雲會於一時勳烈垂於于載

豪杰日相謀議定天下之畧

李善長之卒

徐達即首

何之存韓

信太祖得

此名將何

患下得天

徐達真

大將才

屈已下
賢帝王
之盛助

可周勃敦厚少智灌嬰愛歌不明樊噲勇而無才王陵氣小不大為大將者仁信智勇嚴缺一不可高祖曰于今強楚獨霸六國分爭全才豈能易得何曰國君好賢才必至高祖從諫即時聘召天下豪傑不踰月韓信至遂拜為大將 殿下欵求大將臣舉一人可當此任 太祖問是誰善長曰今濠州城外永豐鄉有一賢人姓徐名達字國顯祖貫鳳陽人精通翻畧博覽群書名震鄉間人皆仰慕此真大將才也怎奈家貧守已待時徐壽輝劉福通張士誠聞其名數遣使招之諒彼非可輔之人堅意不往嘗自言曰帝星旺氣正在本郡我豈遠適他人耶 殿下若得此人大事可成矣 太祖大喜曰煩公就與我去召李善長曰其人守道自高非可召致乞 殿下屈已枉駕親身臨之 太祖曰古有此禮否李善長曰湯王聘伊尹而王天下文王訪呂尚而興王業漢王得張良而登帝位光武求子陵而致中興蜀主顧孔明而成鼎足符堅任王猛而據王秦此乃下

下昏
之效

賢之效也 太祖曰若然明日請命滁陽王吾與參謀去請次日 太祖

見滁陽王曰古今行師必須大將今主帥麾下雖有數萬眾惜無大將以統之適李善長舉徐達有大將之才特請命欵與李善長親去請他滁陽

王依其言 太祖即與善長各乘馬行不移時前至永豐鄉 太祖遂屯軍傳令不許有擾居民太祖與善長下馬步行入村訪問至徐達門首忽

聽得門裡有彈劍作歌之聲其歌曰 萬丈英豪氣懷抱凌雲志田塋埋

祥麟盤車困騏驎何年龍虎逢甚日風雲際文種枉奇才卞和屈良器揮

戈定太平仗劍施忠義蛟龍困淺池虎豹居間地傷哉時不通未遇真明

帝 太祖聽訖乃問善長曰歌者何人善長曰此歌就是徐達吟的 太

祖大喜曰未見其人先識其聲據歌中意味就是個賢才善長用手扣戶

良久只見徐達自出開門 太祖視之果然儀表非俗身長八尺膀闊二

停二十二三年紀面如傅粉唇若抹朱徐達迎接 太祖李善長入草堂

彈劍一
歌志氣
不凡豈
不是定
亂之良
將
蛟龍困
淺池
虎豹居
間地

才德蓋世謀謨
達真一
世之賢
請公
共救
生靈

禮畢分賓主坐徐達問曰二公何人恁事到敝廬善長答曰此位乃滁陽王太外甥神策將軍朱公子某乃參謀李善長聞公才德蓋世謀謨出眾滁陽王特命我二人來請公共議世略幸勿拒徐達俯謝曰不知殿下至此有失迎迓望垂仁恕既蒙召臣焉敢不往但未卜殿下欲臣何用太祖曰四海荒亂群雄並起特請公共救生靈耳徐達曰殿下欲救生靈必須掃滅群雄統一天下方今元勢尚盛徐壽輝張士誠劉福通方谷珣田豐陳友定明王瑄等皆是雄強據守形勢廣儲糧蓄難與爭長今殿下欲取天下不亦難乎太祖曰昔周居西岐得太公而調八百諸侯以伐紂漢起豐沛得韓信而統六國景傑以滅楚周以仁漢以德吾雖仁智有虧若得賢公輩仗劍驅掃諸奸然後後矣有德者立為君王以係民望徐達笑曰古今定天下者在德不在強臣請為一殿下論天下之難易然後定取天下之策今元世荒亡在旦夕徐壽輝強

此數人皆無志生靈

而自暴張士誠驕而自奢劉福通行無紀綱方谷珣偷居自逸明王瑄恃險自滿此數人者皆無志生靈不足與定天下者也今殿下能以仁義德行為心不嗜不殺為本則天下不足慮也

正甲午元至正十四年

太祖率徐達南略定遠
上解佩
囊與聚
得壯士
二十

夏郭元帥命上率徐達等南略定遠時定遠張家堡有民兵號驢牌寨孤軍乏援且無所食欲來降上曰此寨不可失也乃選騎士費聚等數人從行至定遠界其營中遣一將出迎大呼曰來者為何上遣入答曰求與主帥議事一將歸告其帥復出曰請下馬上下馬前渡水而往既至其帥出見上解佩囊與之彼以牛脯為獻請諸軍促裝且申密約上將還慮其不誠留聚侯之越三日聚還告曰事不諧矣彼且欲他往上下即率聚等二百人復抵其營以計取之得壯士二千有秦把頭者集眾於定遠露鼻山結寨復以義招降之得八百餘人定遠繆大亨初起義兵

李直唐山賊是月通記卷之六

部子 與稱 王 陽王 分兵 合圍 六合 將兵 救 六合 元兵 日暮 攻 計敗 元兵

為元攻濠不克元兵潰散大亨獨率其衆二萬屯橫澗山。上命花雲葉夜襲破之。大亨乃舉衆降。由是軍聲大振。豪傑響應。時郭元帥為彭趙二帥所挾。東屯泗州。上遣入賂彭趙郭元帥。乃得率所部來。泗州稱滁陽王。十月元丞相脫脫攻高郵。討張士誠。分兵圍六合。六合帥遣使求求救。滁陽王與其帥有隙。怒不發兵。使者訴其情。甚急。上謂王曰。六合受圍無救。必斃。六合既斃。次將及滁。豈可以小憾而棄大事。王聞。上言必解。欲遣他將率兵以行。時元兵號百萬。諸將畏之。莫敢往。皆託以禱神弗吉為辭。王乃召上將兵往。亦令禱神。上曰。事之可否。當斷之於心。何必禱也。於是帥師東之。六合與耿再成守。瓦梁壘。元兵攻之急。每日暮攻壘。壘重陷。復去之。明日復完壘。與戰如是者數四。元兵致疑。上以計給之。乃歛兵入舍。備糗糧。遣婦女倚門戟手。大罵。元兵相視錯愕。環壘不敢逼。遂列陣而出。牛畜婦女居前。丁壯翼之。徐引而去。遂還。滁州既而元兵大至。

太祖率兵 取泗州 孫炎 往泗州 孫炎一席話 天祐遂降 即歸生之 說奇不能 過也

欲攻滁。上設伏澗側。令再成佯走。誘之渡澗。伏發。城中鼓譟而出。內外夾擊。元師大敗。乃引去。除城守完。時甲午二月。太祖率兵七萬去攻。除。泗州引兵至泗界。安營。與徐達李善長議取泗州之策。大夫孫炎向前曰。殿下不須發兵。泗州張天祐乃臣故友。其人剛直忠厚。與臣甚契。臣願往泗州說他來降。太祖大喜。分付大夫用心。事成當厚報。孫炎辭別下帳。獨往泗州。是日。逕入泗州城。見張天祐。叙禮畢。天祐便問。仁兄何來。孫炎答曰。某因放志飄流。無寄身近。投滁陽王館下。有一朱公子才德兩全。文武兼備。闊額豐頤。龍行虎步。真治世聖君之姿。今提兵取泗州。炎知故友在此。特來告及。若肯全城歸附。不惟免生靈之患。且全故舊之情。幸勿見拒。足見達權之智。天祐曰。某非不知朱公子是一世之英雄。有人君之度。奈某受大元爵祿。背之不忠。孫炎曰。吾兄謬矣。君正而背之者。謂之不忠。若失德而去之者。謂之見幾。昔者伊尹事桀。而相湯伐桀。太公

去桀紂
歸商周

張天祐
出城迎
降

天祐
迎降

太祖如潛
期起衆英
推雲擁從
之蓋亂極
將治故事
机會合

呂尚事紂而助周伐紂未聞名之為不忠也蓋賢臣擇主而事君子見幾
而作君既不道四海離心則為獨夫此伊尹太公呂尚之賢所以去桀紂
而歸商周也今順帝乃是胡元據天位而荒淫無度暴虐不法退賢任佞
天象屢變群雄四起山河鼎沸公雖歆守死萬一不諱何以顯其忠乎兄
其審之張天祐聽言默思良久答曰既如此願從教命孫炎曰機事宜密
吾兄既有降意急須就行天祐依言即列儀仗鼓樂出城迎降○元將平
章陳也先率兵出城迎戰太祖列陣謂之曰陳將軍元主無道天下已
亂我等起義師誓以伐暴救民將軍何不歸降共救天下之溺也先大怒
橫刀直冲陣來太祖後陣中一將出馬乃左哨統制將軍鄧英挺槍來
戰也先共戰良久未分勝敗只見元陣中又有二將出馬乃其子陳兆先
副將姚訥高來助陣太祖即遣湯和鄧愈馮勝趙德勝等一齊冲戰只
聽得東南上吶喊一枝兵紅旗招灼皂帶飛翻為首一將馬上坐着有五

神兵
助戰

元兵三
面受敵

太祖天生
陽王二子
置毒於酒
中安能違
天以害天
生之太祖

鐵冠道
士識真
主

尺餘高生的面如鐵片鬚似剛針肩擔偃月宣花斧從元兵後冲殺將來
殺得陳也先大敗轉馬急走太祖已分兵旁落截殺徐達僅兵隨後奮
擊元兵三面受敵陳也先心怯不敢入城棄滁州向北路而走虹縣人
胡大海來謁大海長身鐵面智勇過人上見語合用為前鋒濠州人
孫興祖王志亦來歸興祖剛毅有膽氣志鷲猛有智謀二人年皆十九○
時上威名日著滁陽王二子惡其勝已陰置毒酒中欲害之其謀預泄
及二子來邀上即與偕往略無難意二子喜其隨計迨至半途上遽
躍起馬上仰天若有所見少頃勒馬即轉因罵二子曰如此反人我不去
美二子問故曰終上天說道爾今以酒毒我二子駭汗浹背下馬拱立曰
豈敢如此豈敢如此遂逡巡而去自此不敢萌害意○時有方士號鐵冠
道人精數學謁見謂上曰天下擾擾非命世之主未易安也以今觀之
非明公而誰上問其意對曰明公狀貌非常龍瞳鳳目天地相朝五岳

太祖貴不可言
鐵冠道士其知人哉

徐陽王言計多失非定亂之才

太祖用青衣計取和陽在智不在力

俱附日月麗天附骨捕髮聲音洪亮不可言但四圍滯氣如雲行月出之狀所喜者準頭黃明貫於天庭直待神采煥發如風掃陰翳即受命之日也應在一千日內且邊地驛馬有驚氣南行遇敵切須戒慎太祖深奇之遂留於幕下

正元五年至正十五年 宋主韓林兒龍鳳元年

正月滁師之糧諸將謀所向滁陽王言計多失上教諫之王不聽薛壽因致疾一日議出師王遣人召上上以疾辭召至且二乃抱疾往王命定計上曰困守孤城誠非計今欲謀所向惟和陽可當其城小而堅可以計取難以力勝王曰何如上曰向攻民寨時得民兵號三千其名曰廬州路義兵今精選三千勇敢士椎髻左衽衣青衣腹背懸之佯為彼兵以四索駝載貨物馳而行使人聲言廬州兵送使者入和陽賞賚將士和陽兵見之必納無疑因以絳衣兵萬餘繼其後約相距十餘里候青衣

命天祐將青衣兵

背衣兵誤約失在天祐

元兵敗績

此元使膝行以見王

兵薄城舉火為應絳衣兵即鼓行而趨之取之必矣王曰善於是命張天祐將青衣兵趙繼祖為使者前行耿再成將絳衣兵繼後天祐等至陟陽關和陽人以廬州義兵至又老以牛酒出迎會日午天祐兵從他道就食隨誤前約再成候之過期不見舉火意天祐必已進遽率眾直抵城下城中人始覺有兵元平章也先帖木兒急閉城門以飛橋縋兵出戰再成不利中矢走眾皆潰元兵追三十餘里至千秋堤會日暮收兵還天祐等始至適與元兵遇急擊之元兵敗追至和州小西門湯和奪其橋而登將士從之遂據其城也先帖木兒倉卒無措乘夜遁去再成兵既敗其眾歸報滁陽王言天祐等皆陷沒王大驚謂上失計俄又報元兵至遣使來招降王益怒召一上與謀時兵皆出城中守備單弱上令合滁三門兵于南門使填塞街市呼使者入叱使膝行以見王王諭之多失辭眾欲殺使者上謂王曰兵出城虛若殺其使彼謂我怯殺之以威口是速其來

太祖計退元
兵明日元
兵果遁其
計神矣

太祖總
和陽兵

太祖諭諸將
入和陽款
其秋毫無
犯共漢高
紀律

也不如縱之歸揚以太言彼必畏憚不敢進王從之縱之往明日元兵果遁去○時滁陽王猶未知天祐等已拔和州命上率兵二千往收敗卒仍規取和陽至中途再成敗兵聞上果復集得千餘人合所將三千人南越隄陽關上率鎮撫徐達叅謀李善長及驍勇數十人先進暮至和陽始知天祐已破城據之上乃入撫定城中王遂命上總和陽兵○初諸將破和陽暴橫多殺入城中人民夫媼不相保上為之惻然即召諸將謂之曰諸軍自滁來多擄入妻女使民夫媼離散軍無紀律何以安眾凡軍中所得婦女當悉還之於是夫婦皆相携而往室家得完人民大悅上既總和陽兵謀斷出諸將右諸將多王貴部曲顧望未盡服心惟湯和以所部兵聽命惟謹李善長委曲調護之使不為異○定遠人茅成和州舍山人仇成來歸二人皆驍勇有膽略上皆留置麾下○上與張天祐等議分關和陽城計城廣袤為十分限以丈尺刻日各元所事是月

太祖以一萬
之眾而走
元兵十萬
之師亦奇
哉

德崖念
昔異志

滁陽
王卒
韓林
兒稱
宋帝

元兵十萬來攻上與天祐以萬人拒却之時元太子禿堅及樞密副使絆住馬民兵元帥陳也先各遣兵分屯高望新塘青山雞籠山等處道梗不通上率諸將皆擊走之元兵棄上出復來攻和陽李善長督兵擊却之殺獲甚眾於是元兵皆走渡江○時濠州舊帥孫德崖之糧率所部就食和州因求入城假居數月滁陽王與德崖有隙聞之大怒即自滁來和德崖聞王至即欲他往令其軍先發德崖留後上送其軍出城行二十里忽城中走報王軍與德崖軍關德崖為王所執上大驚亟呼耿炳文吳禎策騎欲還德崖軍先發在道者忿著異志亟扶上馬圍擁而行行數里遇德崖第欲加害有張姓者以為不可力止之王聞上被厄憂患如失左右手亟遣徐達等數人往代張姓者復諭其眾歸上以出德崖於是上乃得還王亦釋德崖去既而徐達亦脫歸○三月滁陽王卒上遂併統其軍○時劉福通杜遵道等自碭山夾河迎韓林兒立為

本直書七... 卷一

是字下有聖字

大丈夫寧能受制於人

遇春齊刀過人

劉聚無遠

遇春得主

皇帝號小明王建都亳州國號宋改元龍鳳遣人至和陽招諸將欲為已
 用檄陽王之子郭某為都元帥張天祐為右副元帥上為左副元帥
 上曰大丈夫寧能受制於人耶既而郭某及天祐渡江與元兵戰皆敗
 沒○**虹縣**人鄧愈率眾來歸愈生而魁偉幼有大志勇力過人年十六隨
 父兄起兵父兄俱戰沒愈代領其眾每出戰必挺身破敵軍中咸服其勇
 至是所部來附命充管軍總管○**濠州**懷遠人常遇春來歸遇春性剛毅
 多智略督力過人狀貌奇偉年二十三為群雄劉聚所得愛其驍勇拔居
 左右每出戰必鼓勇爭先聚深喜之遇春見聚日事剽掠無遠而察其終
 必無成聞上駐師和陽兵有紀律恩威日著乃領眾數十人棄聚來未
 至困則田間夢神人披金甲擁盾呼之曰起起主君來忽寤見上騎從
 至即與其徒乞歸附上喜其勇壯用以為先鋒
 謹按自去歲馮國用而下至此諸將來歸者又十餘人悉皆名將也惟

英雄豪傑皆生於濠天

兩虎共閉勢不俱全

皇祖以一言解二將之忿得漢光武之遺意

吳復仇成二人為廬和人餘皆漢產也昔人云漢祖功臣多起豐沛光
 武諸將半出南陽蓋帝王啟跡之地天必儲精聚靈使英雄謀略之士
 生乎其間以備其驅策而為之股肱羽翼稽古驗今其揆一也○一日
 太祖聚集眾將議受遇春總管使之職遇春叩首謝曰小人初至略無寸
 功不敢受上爵乞命為先鋒居前部開路足矣太祖大喜曰此將軍英
 勇之志歎許之忽帳下一人大叫其聲如雷連呼不可我來投數月尚不
 得為先鋒爾適來數日便要逞強壓眾有何能如此大言太祖視之乃
 胡大海也遇春怒曰主上有命爾乃敢來攬越爾欺我無能敢來角藝
 尔大海曰有何不敢即掣刀向前遇春亦執鎗相待太祖亟止之曰不
 可君等皆吾手足今若相爭如我手足交擊有何益乎權教大海為左先
 鋒當遇春為右先鋒待後行兵得首功者當為正先鋒徐達曰殿下令旨
 最當一人拜謝太祖大悅正上駐和陽既又謀東渡江取金陵惠無舟

皇祖以一言解二將之忿得漢光武之遺意

我輩有主

永安獻言禁兵擄掠深之略

前國用

以金陵

為當取

亦如其

言大都

英雄所

見略同

德王

率父老出迎安見 上狀貌謂是等曰龍姿鳳質非常人也我輩今有主矣 上召安與語時事安因獻言曰方今四海鼎沸豪傑並爭攻城屠邑互相雄長然其志皆在子女玉帛取快一時非有撥亂安天下救民之心明公率衆渡江神武不殺人心悅服以此應天順人而行弔伐天下不足平也 上曰足下之言甚善吾欲取金陵如何安對曰金陵古帝王之都龍蟠虎踞限以長江之險若取而有之據其形勝出兵以臨四方則何向不克此天所以資明公也 上甚悅由是禮遇安甚厚事多預議焉 改太平路為太平府以李習知府事置太平興國翼元帥府諸將奉 上為大元帥 上命李善長為帥府都事汪廣洋為帥府令史以陶安參幕府事文移用宋龍鳳等號旗幟及將士戰衣皆用紅色蓋以火德王色尚赤故也 合肥人楊璟率衆歸附璟本儒家子少沉毅讀書不喜畷尚好武略因亂聚里中少壯保鄉井至是率衆渡江來歸授管軍萬戶 時初

初國用說陳

也先蛇頭

鼠目無義

之相異日

懷劬劬刺

太祖果不

出其所料

黃雲

置城

擒陳

也先

孫德崖

總守濠

城

得太平四面皆元兵義兵元帥陳也先與蠻子中丞連兵窺伺 上用當塗人吳昇計籍鄉兵選稅戶宋成吳大通朱化隆等為千戶領之居民蓄積悉輸入城既而陳也先與其將康將軍水陸分道寇城下 上親督兵禦之命徐達鄧愈以奇兵出其後設伏於襄城橋也先率衆來攻時有黃雲置手城臯也先驚回為伏兵所擒 上釋而用之與之盟使領兵攻臺城也先復懷賊心謀叛被誅 八月分命徐達等諸將取溧水溧陽句容蕪湖皆下之 陳也先既敗其子兆先復集兵屯營方山蠻子海牙復擁舟師結寨采石旌旗相望圖為犄角以窺太平 續 一日 太祖集宮議事問有濠州守帥孫德崖領兵至 太祖譙謂徐達曰孫德崖總守濠城無故不得擅離此來主何意多是散分據和陽耳不然濠城失守故來歸附吾欲止之奈彼衆我寡若阻其來倘有爭我力必不及且容入城以計得之衆官皆曰殿下所見誠是頃之德崖至 太祖與衆將迎接叙禮畢太

德崖反
覆小人
果像攢
穴之鼠

濠州乃
吾本鄉

濠陽王責太
祖私納之
過

兩城
皆無

相問曰總帥不守濠城至此有何事見諭德崖曰緣無糧草人馬饑疲就
食來此爾 太祖曰總帥既來此濠州何人守之德崖曰城空無用守之
何益 太祖聞言暗念濠州乃吾等本土若為他人所得取之甚難德崖
所行若此乃是通穴鼠耳一穴不守又鑽他穴矣忽報濠陽王自濠來至
王問交兵之事 太祖對以取和州之由王甚悅突見孫德崖在傍立王
譙問之爾因何不守濠州而來於此德崖跪告曰為乏糧就食於是王大
怒曰濠州乃吾本鄉汝安可舍之喝令左右斬之 太祖與李善長諫曰
德崖罪雖當斬念其故鄉舊帥乞大王宥之令其仍守濠州以贖前愆王
怒稍息謂德崖曰汝罪當誅看鄉里之面與汝兵一萬前去鎮守如再有
失決不輕恕德崖領諾而去王又責 太祖私納之過 太祖曰其非不
知私納之過但彼來眾甚吾方不能支倘彼競起戰爭非惟濠城失守和
陽亦危矣故其來而納之使彼不疑大王乘此機以制則兩城皆無虞而

德崖遣
人持書

太祖不阻
德崖求糧
之書其見
甚高不然
何能保其
無虞

德崖饒
倖匹夫
不可久
結

希款
立業

彼無足慮矣惟大王熟察之濠陽王終不悅續按原本是時孫德崖領兵
出和州自思濠州已被人所占難以復取遂屯兵于黃泥鎮遣人持書請
太祖曰濠陽王罪德崖此理固當然但濠州已失今士卒疲弱無糧豈能
攻取成功哉 太祖得書不阻其意遂發糧車五千石與之德崖得糧草
兵在黃泥鎮遷延月餘不肯北行王聞知此事乃召 太祖責之曰德崖
不守濠州汝何故又與他糧草 太祖曰德崖之軍即我軍他軍無食必
散我軍之心豈不散乎此不撫養有失失計矣王曰汝言雖是然德崖乃
僥倖匹夫不可久結也今後當戒之 太祖拜受命不半月濠陽王偶因
驕憂致疾遂至不起 太祖朝夕問安侍湯藥王病愈篤臨危時召 太
祖李善長徐達等至卧前謂之曰某生民間因見元綱解墜群盜四起吾
奮臂一呼遂得爾等百人以賢以能共保豪眾威鎮四方希款立業救
民塗炭不期壽不我延遇此篤疾我死亦何足惜所惜者群雄未滅天下

輓徐陽王詩

和州城上見
星飛濠郡江
邊掩又旗白
雁岡頭千樹
柳年春半
子規啼
又曰
保障江淮起
又兵極民未
遂已先薨仁
明太祖恭承
志雖是身亡
名不眠
德崖欲以
力爭孫和
欲以智取
皆無所用
天命已歸
真主矣

未定耳夫朱公子仁文英武厚德寬洪兩可共謀翊衛以定天下垂無疆
之休也。太祖頓首曰：愚不堪承大王之志，然豈不竭股肱之力以報厚
恩也！少頃，徐陽王卒。太祖與眾將持服舉哀於和州城白馬岡之原。
續徐陽王喪畢，眾人欲立太祖。太祖曰：吾等皆受徐陽王之恩，今既死尚
有子在，可共立統攝王事。亦見爾故不背恩之意。眾人皆曰：殿下言是遂
立其子其為王。名道明受符節統攝軍權，號曰和陽王。改和州為和陽郡。
封太祖為開基侯，兵馬大元帥，總各路兵權。徐達為副元帥，進都尉職。
眾官加賞畢，時孫德崖知徐陽王已卒，意謂太祖等必以兵權屬彼，統
之及聞太祖等立其子，大怒，拔劍砍几曰：吾與徐陽王共起義兵，分守
州郡，其權一也。今徐陽王死，諸人合當受我節制。朱某孺子，無禮擅自為
主，即當率兵擒之，以正其罪。其子孫和曰：父王不須發兵，朱某豈敢以
去徐陽王之子而陰竊其權，亦為有名。眾人尚未離心，况有李善長孫炎

只可智
取不可
力爭

德崖謀
欲殺太祖
何不自
量

設典
略會

太祖不
隨與隆
會之計

李文忠、鄧愈、湯和、常遇春、胡大海等皆智勇足備而為之輔。若與爭長，義
無勝理。吾父若要奪彼之權，只可智取，不可力爭。德崖問曰：計將安出？孫
和曰：父王可在營中設一筵，名曰興隆會，假賀新王。請彼赴會，酒間挾彼
引兵來歸。彼若見拒，就席間擒之。一壯士之力而已。朱某既擒，彼軍無主，
權必屬父王矣。德崖大喜，即備書遣人入和州去請。太祖時太祖正
與諸將議事，忽聞德崖書至，即折視之。書都統孫德崖端肅書奉。碩德
朱公子殿下，茲者恭遇新王嗣位，繼統混天，以傳千載之興隆。以啟萬
年之事業，情不勝忻。今某營中特設小宴，名曰興隆會，欲與公李相
為慶賀，以樂雍熙。望日汎掃營前，專迎光顏伏乞。早臨，必刻清笑，以申
區區萬一之誠。德崖再拜。太祖得書與李善長、徐達等議曰：此必孫德
崖見徐陽王卒，思欲統其兵，公知吾立其子，故設以挾吾協從耳。若不去，
則生彼嫌疑。去，必須不墮其計。可矣。徐達曰：殿下此料最是。吾觀德崖此

皇祖之具植
先漢祖之
樊噲而忠
勇尤過之

太祖單騎
至德崖營
我亦推

共慶
與隆

待崖起
意不良
全在設
與隆會
宴上

計必有如范增害高祖于鴻門之意。恐漢文武兼濟者如張良樊噲之徒
為之輔行方保無虞。道未罷帳下常遇春胡大海進曰。臣願隨而行。太
祖俱不許。吳植曰。臣單力同。殿下走一遭。太祖曰。公去可耳。大海大
怒曰。臣等武藝不在其植之下。何獨許植不許臣。太祖曰。乃砧各用鼎
鑿不同。君子各擇其宜而使之。眾將皆服其言。次日太祖單騎獨前吳
植及步卒數人。後隨徑至德崖。營前德崖聞太祖來。並無甲士相衛。乃
大喜。舉首加額曰。此天賜我也。密令甲士數十人。各藏利器。待酒間投
盃為號。即併力擒之。分遣已定。頃間太祖至。見禮畢。太祖曰。某何能
德勞。都統厚情。德崖曰。舊王已薨。新王初立。小酌請公一叙。共慶興隆。何
足齒。及酒至數行。德崖遂言曰。有一言懇啟不省。公子見容否。太祖曰。
都統有言。敢不奉命。惟理不可為者。某不敢強承耳。德崖曰。即今滁陽王
已薨。兵權無統。以義論之。應屬不才。斯掌故以相煩。若不見卻。當其分守

吳通席
前請舞
制便有
犯太祖
意豈知
在天命
在

太祖
二劍
斬吳
通

太祖
策騎
前行

太祖曰。滁陽王雖逝。尚有其子。以子繼父。則兵權應為彼所統。今都統既
欲掌時。某回城。故知和陽王。即當請都統任事。決不棄信。德崖聽言大喜。
孫和思曰。朱某才智過人。此言必詐。欲暗圖之。乃密領壯士。吳通入筵。
曰。主帥與公子宴飲。席間無以為樂。小人等願舞劍。以助玩戲。德崖許之。
太祖知意。目視吳植。植向前曰。舞劍須用對手。末將不才。願與對舞。吳通
曰。劍鋒無情。恐有傷害。乞先下鈞旨。德崖曰。傷者不論。二人各拔劍起舞。
吳植見吳通有欲害。太祖意。遂觀空把吳通一劍斬之。呂天壽在傍見
殺了吳通。心中大怒。拔劍欲砍吳植。後亦被吳植反砍之。吳植立誅了二
人。即提劍起席。手搥孫德崖腰帶曰。孫都統敢如此無禮。設計欲害吾
朱殿下。即今須親送我。殿下出營。果然以吳通為例。孫德崖戰慄不已。
蒼曰。將軍休怒。即當遠送。太祖徹身策騎前行。吳植待太祖去。遠然
後放德崖歸。復復馳往隨。太祖而行。德崖乃率部精銳百餘。追之適胡

大海單騎往殺德崖亦是好僕

太祖沉吟不語有不痛意

大海引兵來迎 太祖乃與吳禎前行令大海設伏向前德崖急追將及大海伏發奮擊德崖見力不能支遂遁大海即單騎往殺之餘軍遂降○自是胡大海遂領兵與吳禎保 太祖入和陽徐達李善長等迎接入帳中拜曰致 殿下多受驚恐臣等之罪矣 太祖曰若非吳禎予命難保太祖備言興隆會事眾人皆稱吳英為虎將 太祖賜吳禎白金二百兩胡大海白金一百兩大海向前曰臣不敢受此金 太祖曰將軍何故辭賞胡大海曰 殿下向嘗言臣與常遇春敵得首功者為正先鋒臣今誅了孫德崖實首功也望 殿下察之 太祖沉吟不語徐達曰君雖殺了孫德崖未為克敵之大若使常將軍去時亦能成功待他日遇大敵之時方見功次眾人皆曰徐元帥所言最公大海即受賞而退

此二紀我

太祖初為吳國公平定江東及浙江及江西時事自丙申至癸卯

凡八年

丙申元至正十六年 宋龍鳳二年

遇春出奇兵大破瑛子海牙亦天

上率諸將取金陵

既擒兆先而用之釋而用之祖其誰能為之

二月我師攻蠻子海牙砦破之時我師將士皆渡江而家屬尚留和州元兵結砦采石南北不通 上命常遇春統兵攻之遇春乃以奇兵分其勢而以正兵與之合既戰則出奇兵擣之且縱火焚其連艦遂大破之悉俘其兵船蠻子海牙僅以身遁自是元兵扼江之勢衰矣○三月朔 上率諸將進取金陵

謹按金陵即今南京戰國楚成王時以其地有王氣埋金以鎮之故名漢改曰秣陵吳曰建業晉曰建康六朝皆建都於此隋為蔣州唐為昇州宋為江寧府元為集慶路置江南諸道行御史臺于此故又謂之南臺

諸軍水陸並進攻陳兆先營破之擒兆先悉降其眾復釋兆先而用之俾為元帥從征擇其降兵驍勇者五百人置麾下五百人者多疑懼不自安上覺其意是夕令人宿衛環 上而寢悉屏舊人於外獨留馮國用一

艦 艦一作

太祖酣寢安降

人待卧榻傍。上解甲酣寢。寤且疑懼者。始安是月十日進攻金陵。國用

太祖取金陵

南臺御史大夫福壽督兵力戰不能支。死于兵。上入城。乃管吏父老諭

亦仁者之師

之曰。元失其政。所在紛擾。兵戈並起。生民塗炭。吾率眾至此。為民除亂耳。

楊憲等十人皆錄用

汝宜各安職業。毋懷疑懼。賢人君子。有能相從。立功業者。吾禮用之。舊政有不便者。吾為汝除之。於是城中軍民皆喜悅。更相慶慰。得民兵五十餘

康茂才知時勢解甲歸

萬。遂改集慶路為應天府。得儒士夏煜。孫炎。楊憲等十餘人。皆錄用之。置天興建康翼元帥府。以廖永安為統兵元帥。元大夫福壽捐身為國力

三千人解甲來降

戰而死於兵。上嘉其忠。命為棺衾。以禮葬之。元將康茂才率所部降附。茂才。蘄州人。先是結義旅。捍寇江上。有功。累遷宣慰使。都元帥。成裕。溪

太祖取鎮江戒殺掠

采石。及我師渡江。將士多效死。茂才數戰不勝。常遇春設伏殲其精銳。殆盡。茂才復收合潰散。聚於天寧洲。上命諸將以襄陽砲破其寨。茂才

城中晏然民不知有兵

奔金陵。未幾金陵破。茂才復欲奔鎮江。我師追及之。茂才度天命有歸。乃率所部餘兵三千人解甲來附。頓首言。前日之戰。各為其主。今日屢敗。天

德進攻廣

數也。事至於此。死生惟命。上笑而釋之。令統所部兵從征。金陵既定。上欲發兵取鎮江。慮諸將不能禁戢。士卒為民患。遂召諸將數以常縱

軍士之過。欲賞之法。李善長懇救。乃免。是月十七日。命徐達為大將。率諸將浮江東下。上戒之曰。爾等當體吾心。戒輯士卒。城下之日。毋焚掠。毋殺戮。有犯令者。處以軍法。縱之者。罰無赦。達等頓首受命。師至鎮江。元平

章定定道。去即克其城。兵不血刃。號令嚴肅。城中晏然。民不知有兵。遂分兵下。冊陽。金壇。諸縣。六月。命鄧愈。邵成。華高。華雲。龍等將兵進攻廣德。路克之。七月。置江南等處行中書省。諸將奉。上為吳國公。行丞相

總省事。以李善長。宋思顏為參議。以李夢庚。陶安等為左右司。即中員外郎。都事等官。置江南行樞密院。以徐達。湯和。同僉樞密院事。置帳前總制

見之下
有意字

秦茂航
以兵亂
避居鎮

太祖遣使以幣帛聘之
下士之風
劉先王之
於孔明不
過是矣

王弼善
用双刀

親軍都指揮使以馮國用為之復置左右前後中五翼元帥府及五部都
先鋒○遣使聘鎮江秦從龍入見從龍字元之洛陽人初以才薦仕元為
校官累遷至江南行臺待御史會兵亂從龍以老避居鎮江王師將下鎮
江上謂徐達曰爾往下鎮江有秦元之者才器老成入城當為吾詢訪
此人致吾欲見之達等至鎮江來得之還報上喜即命兄子文正以白
金文綺往聘之既至上親至龍江迎之以入時上駐富民王綵帛家因
邀從龍同處朝夕訪以時事既而上即元故御史臺為府居從龍西華
門外事無大小皆與之謀從龍皆盡言無隱每以筆書漆簡問答甚密左
右皆不能知常稱為老先生而不名後數年病卒○定遠人王弼率眾歸
附弼有膂力膽略過人善用雙刀號雙刀王因亂結鄉里少年立寨于三
臺山以自固至是率所部來歸上知其才命伯衛帳下○時鎮江諸郡
已定東探浙右張士誠據有平江今蘇州府擅稱名號遣將進據昆陵今常州府

征張士
誠於泰
州

哈麻好臣任
內豈容脫
脫大將立
功於外元
王下詔貶
謫无足怪
矣

士德隆
馬被擒
張氏成
敗可知

先滅陳友諒
後滅張士
誠太祖之
奇謀定也

旗相望八月 上命徐達率諸將往征之士誠泰州白駒場人為鹽場綱
司牙僧與第士德士信俱以公塩夾帶私塩並縁為姦利資性輕財好施
頗得衆心癸巳之夏士誠因亂聚眾起兵陷泰州據高郵自稱誠王國號
周建元天祐元朝命丞相脫脫總大將討之攻城垂破元主聽信綠言下
詔貶謫脫脫師大潰散賊勢遂熾是年春士誠遣士德將兵渡海攻陷平
江及松江常州湖州諸路地廣兵強遂為勍敵戰爭始於此○九月徐達
圍常州張士誠第士德率眾數萬來援達等迎擊破之士德走墜馬被擒
上大喜曰張士誠謀主士德其人智勇今被我擒張氏之成敗可知矣
十月華雲龍王弼等復敗士誠第士信兵于舊館擒其驍將湯元帥以歸
士誠由是氣沮乃奉書取和願歲輸糧二十萬石黃金五百兩白金二百
斤以為犒軍之資上復書教其開嬰召兵之罪且許其歸我使臣將校
即當班師士誠得書不報十一月士誠誘我新附青軍叛去助彼來戰徐

本字各光點皇明通紀卷之...

士誠兵
寇宜兵
其勢必
敗

達被圍於牛塘達勒兵與戰常遇春胡大海等自外來援內外夾擊大破之擒其將張德餘兵奔入城達率諸軍環而困之士誠復遣其將呂珍潛入城督兵固守○十二月長鎗謝元帥率眾寇廣德守將鄧愈等督兵出城奮擊敗之俘其總管武世榮及軍士千餘人續四月士誠遣兵寇宜興大祖命耿君用援之宜興要地士誠勢所必爭君用賈勇先登力戰死之以其子炳文代領其眾○八月徐壽輝陷衡州○十月星隕化為石

正丁酉元至正十七年 宋龍鳳二年

大祖師克
常州

春我師圍常州既久敵眾乏食力不能支偽將呂珍復潛遁去城遂危三月我師克常州立常春分樞密院命俞湯和統兵守之○命耿炳文等率兵取長興州今湖州府長興縣張士誠將趙打虎以兵三千迎戰敗之追至城西門打虎走湖州遂克長興擒士誠守將李福安答失蠻等獲戰船三百餘艘立永興翼元帥府以耿炳文為都元帥統兵守之未幾張士誠遣其

大祖親督師
往取寧國

虎將朱亮祖
來降太祖

賜以金帛
又授之官
亦鼓舞眾
志意也

生則力死
則必爾亮
祖之言其
壯哉

偽左丞潘原明元帥嚴再興來寇炳文擊敗之生擒數百人斬首甚眾原明等遁去○四月命徐達常遇春等帥師征寧國攻之久不下上乃親往督師長鎗軍來接我師拒險與戰敵敗俘獲甚眾數日守臣楊仲英開門降執元將朱亮祖亮祖廬州六合人初為元義兵元帥上渡江克太平亮來降上喜其勇悍賜以金幣俾仍舊官居數月復叛歸于元數與我戰我軍為所獲者六十諸將弗能當時上方欲取建康未暇及賜之金而去至是常州平乃遣徐達等討之進圍亮祖於寧國常遇春被創而還上自往督戰達奮兵攻之亮祖兵敗獲於城下縛以見上曰爾將何如對曰是非得已生則盡力死則死爾上壯而釋之使從征宣城亦附○五月俞通海張德勝等以舟師略太湖入馬跡山衝賊水寨降張士誠將王貴紐澤盡獲其眾而還○時群雄並爭民無定向廣德宣城復叛胡大海趙德勝等領兵復取之○命江淮分院副使張鑑同俞文政

太祖觀風色
克取秦興

又取丹
陰

率兵攻秦興張士誠遣兵來救鑑等擊敗之擒其將楊文德等遂克秦興
○六月命常春分院判官趙繼祖元帥郭天祿鎮撫吳良率兵取江陰張
士誠兵據秦望山以拒我師繼祖等就攻之會木風雨其兵奔潰我師據
其山翌日進攻城西門克之擢良為分院判官督兵守德江陰地與張士
誠密通去姑蘇僅百餘里控扼大江實當東南要衝未幾復命其弟吳禎
增兵協鎮其地戮力設備軍容甚張每寇至輒破走之

二邑
要害

謹按是時張士誠北有淮海南有浙西長興江陰二邑皆其要害長興
慶得長興則士誠步騎不敢出廣德窺宣歙得江陰則士誠舟師不敢
沂大江上金焦二邑既為我有取吳二師統精兵固守之士誠侵軼路
絕我師得以南征西伐無反顧
之虞平吳之功推與於此矣

俞廷玉不就
左君躬而
就太祖其
知主哉

續巢湖自將俞廷玉并男通海通淵通源押將廖永安求忠張德興桑世
傑華高趙庸趙馘等謹以書呈 朱公子殿下廷玉等向集湖濱久聞仁
德願奉丹心冀居麾下者有日矣不意廬州妖黨差君弼人面獸心所為

俞廷玉
書達太
師乞救

太祖
得書

可不
可失

太祖兵入
巢湖

粉身碎骨
亦准補報
廷王此言
乃敢動太
祖處

不道累以書招廷玉挾恨不從率兵圍困恣肆猖狂逞張毒害今廷玉等
敢奉尺書上干天威倘振一旅之師以全萬人之命所有戰艦一千餘隻
水軍一萬三千資儲器械統獻轅門以憑揮令廷玉等當捐軀報答恩惠
勿草瀆伏惟 台亮 太祖得書乃謂眾將曰俞廷玉來降以乞救師
其事若何李善長進言曰臣聞俞通海廖永安等素有水軍驍將之名今
在危急心樂歸從 殿下若以兵援之必效死力且藉其將士戰船以取
金陵事當萬全此殆天所以資 殿下機不可失也 太祖大喜急令發
兵救巢湖明白 太祖留李善長李文忠等共守和陽總軍務事乃同徐
達胡大海趙德勝等親領兵四萬登舟乘大水直抵桐城聞入巢湖口左
君弼聞 太祖大兵至即遁去俞廷玉等乃迎 太祖入水寨下拜見
太祖曰臣等身栖水泊為妖奸所困歸順無由今勞 殿下提師遠救寔
再生之恩也雖粉身碎骨亦難補報 太祖曰衆將軍英雄驍勇名貫淮

右今日相遇乃三生之幸昔者張韓擇高祖而事實李擇光武而臣將軍亦有附擇乎俞廷玉等復頓首曰臣等雖無張良韓信之才李通竇融之識顧相從殿下敢效駑鈍之力也太祖大喜因駐兵三自至次日與

左君弼勾引池州賊趙普勝等年大奪國

眾將收拾選兵歸和陽忽報左君弼領兵截住桐城關勾引池州賊趙普勝截住黃墩關趙又引元將御史中丞蠻子海牙領兵十萬扎住江口圍

趙普勝有號勇之名故為刀

困三層其勢不可當太祖大譙遂與眾將上水寨登敵樓觀望果見左君弼與趙普勝蠻子海牙等連兵結寨數里旌旗蔽天金鼓相聞太祖謂徐達曰左君弼用調虎離山之計哄我入巢湖却引兵四面圍住似此為之奈何胡大海進曰殿下勿慮可令眾將保殿下壓陣臣願當先只此斧足破賊兵之圍也太祖曰賊兵勢重爾我縱使二陣冲出部下軍卒何辜可再從別計徐達曰須令一人密從水中上和陽調取救兵內外夾攻方能出此太祖曰何人可去韓成曰臣願往太祖大喜即備書

徐達此筆可謂萬金之計

韓成受書直抵和陽不愛其身也

衆將領兵至江口

付之曰汝可密速往毋得遲悞解圍之日必有重賞韓成受書出永寨抄巢湖口入江從牛渚渡過凡二百夜方得上岸直抵和陽見和陽王言太祖巢湖受困遣書求援李善長曰急須發兵去故即令鄧愈為正元帥湯和為副帥郭英為參謀常遇春為先鋒耿炳文為採陣使吳良吳禎耿再成花雲陸仲亨華雲龍皆隨軍調用發兵五萬前救巢湖其餘將臣與朱文剛朱文遜朱文英沐英妻率兵保守和陽王分遣已定衆將領兵至江口與蠻子海牙軍對陣鄧愈列陣向前曰賊兵何故困我主公若解圍投降保其軀命不然全軍誅戮蠻子海牙聽言大怒急令二十員番將出馬迎敵眾將尚未及前常遇春一騎當先挺鎗奮擊元將莫敢當鄧愈等催兵併殺入蠻子海牙大敗而走

常將軍突殺蠻子海牙大敗而走

先下休寧績溪乘勢進攻徽州元守將元帥八爾思不花及萬戶吳納等拒戰我師擊攻之遂拔其城納與守臣阿魯恢李克膺等退守遂安縣胡

大海引兵追及於白鶴嶺復擊敗之納等自殺元帥汪同率所部來降○

時張士誠兵據江陰之馬馱沙上命徐達督常遇春康茂才等兵船截

江攻之八月克馬馱沙○張士誠降于元士誠既數為我師所窘南攻嘉

興杭州又為苗帥楊完者所敗士誠氣沮乃請降於元江浙丞相達識帖

睦遜願就安達識帖亦幸其降乃承制便宜行事授士誠太尉士

誠雖降而城池甲兵錢穀皆自據如故○九月元帥費子賢率兵取武康

克之未幾復取安吉皆湖州屬州師至一鼓克之降其統軍元帥張明鑑

得其衆數萬馬二千疋置淮海翼元帥府命耿再成張德林守之○常遇

春率廖永安吳禎等自銅陵進取池州上命舍人李文忠領兵策應未

安去城十里而軍遇春及吳禎帥舟師抵城下合攻之破其北門遂入其

城執天完為將洪元帥斬之執副將魏壽徐天雄等既而偽平章陳友諒

發兵寇城以戰艦百餘艘來逆戰遇春等復奮擊大敗之友諒沔陽漁家

張士誠氣沮

降元力無

所支一匹

夫之勇也

後與友諒

相繼而亡

常遇春
進兵取
池州

友諒
家子

陳友諒負恩

背德不仁

不義結君

之賊異日

必成於太

祖之手

劉胡二
將破首
軍半甲
無回

太祖率諸將

渡江取金

陵

太祖分
兵船為
三路

子嘗為縣吏不樂會徐壽輝倪文俊兵起慨然往從之初為文俊簿書

未幾亦領兵為元帥因隙襲殺文俊俟其軍自稱平章壽輝不能制時友

諒方強與我接壤茲為戰爭之始○元苗帥左丞楊完者自杭州率衆數

萬來攻徽州時徽新附城郭未完守禦之器未備胡大海將兵攻婺源未

面城中守兵甚少苗軍奄至城下登愈乃激勵將士大開四門以待之苗

軍疑不敢入大海聞之自婺源還師兼程而進大呼殺入復與鄧愈奮兵

夾戰十一月朔大破苗軍於城下斬其鎮撫呂才擒其部將胡亨董旺呂

昇等完者遁去太祖率諸將渡江取金陵以為建都之地和陽王依

其議時將渡江西北風順諸將舳舻齊發舉帆頃刻兵到平渚渡俞廖二

將迎接言繼子海牙扎兵於南岸采石磯阻截要路太祖曰胡賊復肆

猖獗如柰何徐達曰兵貴神速今夜乘此月明馳行我軍猝至彼必無備

取采石磯甚易太祖遂分兵船為三路太祖居中隊戰船七百隻郭

太祖分兵
船為三隊

磯上天
石交下
郭英士
卒多傷

遇春皆
死先登
采石斬
將奪磯
取江南
第一之
功

英為先鋒徐達居左隊亦統戰船七百隻胡大海為先鋒李善長居右隊亦有戰船七百隻常遇春為先鋒掩旗息鼓絕流而進是夜月色如畫風順水猛舟行如飛比至五更已到采石磯元兵哨報蠻子海牙海牙遂擊兵而待磯上刀鎗麻列旌幟雲屯磯下之舟如織相去僅三丈未能猝登岸太祖乃令戰船擺列成陣郭英領長鎗手奮勇爭先磯上矢石交下士卒多傷英不能取勝太祖遂傳令與胡大海常遇春二人先鋒定在今日先登采石磯者即為正先鋒大海大喜意在必克率眾長驅而前岸上砲弩愈急大海不能支乃退遇春乘快船至得太祖令領防牌神鎗手奮力冲至磯下元兵見遇春兵近岸砲箭如飛鯉防牌不得遮神鎗亦無用部兵敢退遇春怒曰我取不得采石磯誓不旋師乃捨舟挨牌挺鎗先登時岸高夾許磯上元將老星卜刺用戟截下遇春乃以防牌護矢石以左手握住戟桿就被勢一躍而上即撒牌揮鎗刺老星卜刺三隊將士

大祖不
負前言

吳昇
投降

士汝江
五名賂

置管田
司為民
足食計

見遇春登岸各催兵鼓譟而上元兵各披靡奔潰遂得采石磯太祖就於采石磯安營眾將各獻功畢太祖不負前言領常遇春為先鋒曰若將軍奮勇爭先萬將莫當遂攻克采石磯其功莫大焉遇春再叩首拜惟胡大海有忿色太祖知意乃曰吾此一言非獨獎諭遇春亦激勵諸將之意也大海怒方解○太祖起兵離采石磯直抵太平城下郡將吳昇聞太祖神武聖任天命有歸遂開西門投降太祖大喜曰吾納叛招賢共謀大事聞士汝江左名賢喜今日相諧美即擢為總管昇俯伏謝曰主公如欲收天下莫若恤軍實民何征不服遂擁入太平城中守臣開北門遁去

正 戊戌元至正十八年 宋龍鳳四年

正月以康茂才為管田使上諭之曰比因在亂隄防頽圯民廢耕耨故設管田以修築隄防專掌水利今軍務實殷用度為急理財之道真先於

取婺源

桑世傑死忠

李文忠大敗元兵

農事故命爾此職分巡各處俾高無患乾甲不病潦務在安得宜大抵設官為民非以病民若但使有司增飭館舍迎送奔走所至紛擾無益於民而反害之則非付任之意○鄧愈遣部將王弼孫虎等取婺源斬元守將帖木兒不花○命樞密同舍廖永安院判俞通海桑世傑等討張士誠江陰石牌海寇其帥柴瑞率偽州判朱錠等整兵拒戰世傑奮文躍馬陷陣戰死永安等大怒奮擊大敗之盡獲朱錠等海舟奪回馬馱沙擒柴瑞

國初諸大將死忠王事者桑世傑為首後追封求義侯配享太廟

李文忠等進攻青陽石埭太平旌德諸縣皆下之二月文忠復進兵擊敗元院判阿魯恢兵於萬年街遂破甬滌於潛昌化獲其婦女輜重甚衆文忠恐士卒恃此驕賞有闕志因激怒使盡殺所獲焚其輜重曰此何足惜能努力破敵何患不富貴乎衆咸奮勵進次淳安夜襲破偽供元帥營降其衆千餘二月文忠會鄧愈胡大海兵取嚴州上太皇授文忠帳前總

文忠出奇大敗其衆

守時進忠戰死欲求其生而有所不能

士誠與苗軍西屍共圖執之傷豈匪西全

制親兵都指揮使司左副都指揮兼領元帥府事嚴州守禦時嚴新破城壁未備而張士誠遣其徒率苗僚水陸奄至城下文忠出奇大敗其衆復取所斬俘載巨筏中乘流而下水鬼見之亦遁○四月陳友諒遣趙普勝寇陷池州守將趙忠戰死○張士誠兵寇常州守將楊和吳復力戰却之擒其卒三百人○五月苗楊完者率衆屯徽之烏龍鎮鄧愈李文忠合兵擊却之○六月李文忠兵取浦江○元帥趙德勝謝再興等率兵略石埭縣與陳友諒遇戰敗之擒其將錢清孟友德張導及部卒四百餘人○張士誠兵寇常孰廖永興與戰于福山港大破之七月永安又破士誠於通州狼山獲其戰艦而還○九月元帥左丞楊完者為張士誠所殺其部將負成蔣英劉震帥衆來降先是江淮既亂元兵屢敗議者以為苗兵可用遂自湖廣招至累破張士誠兵歷陞至左丞然苗性貪殘好殺所過抄掠屠戮慘不忍言士誠為所窘既降欲圖之而元江浙丞相達識帖木

徐達攻
宜興
分兵絕
太湖口
計之上
者
良臣乃安豐
人剛毅果
斷多智
又後太祖
嘗封宣
寧侯

邇亦厭完者驕橫不可制乃陰定計用士誠兵圍之完者兵敗自殺部下
皆降散負成等遂率所部詣李文忠納款完者既死士誠益無所憚遂遣
兵據杭州達識帖木爾無如之何未幾嘉興紹興皆為士誠所據○十月
張士誠兵寇常州湯和等擊敗之俘甲士千餘人舟千艘馬千疋○徐達
邵榮率師攻宜興入不下上遣使謂曰宜興城小而堅守未易拔聞其
城西通太湖口張士誠餉道所由若斷其餉道軍食內乏破之必矣達等
乃遣下得與分兵絕太湖口而併力攻急城遂拔之○太祖兵取金陵入
城召官吏父老諭之曰元失其政所在紛擾兵戈並起生民塗炭吾率眾
至此為民除亂耳汝等各宜安職業毋懷疑懼於是吏民大悅更相慶慰
太祖遣使會和陽王遷都金陵王以 太祖為吳國公得專征伐日命諸
將統兵以征不服召良臣問曰金陵人物之地公守此土有賢者當舉以
聞良臣對曰自元世荒亂群雄競起乾坤鼎沸盜賊如麻凡州郡雖有豪

太祖思
聘劉基
劉基清
介之士
孫炎
往聘
劉基
作温詩歌
已識真主
於金陵

傑藝勇者皆挺身以就群雄其才明賢達之士又皆伏匿於山谷韜光晦
迹以觀時變此地賢才臣未之聞也 殿下若欲資訪賢才吾聞處州有
姓劉名基字伯温者其人有孔孟道德之學孫吳韜畧之智曾仕元為下
職因見元綱不振棄職隱居養志待時 太祖聞之大喜曰我在濠梁亦
聞其名久矣但軍務日逼未得其便耳今當遣何人聘之 太祖默思良
久謂帳下孫炎曰此行非公不可宜備金銀絲帛以徵之孫炎曰臣聞劉
基乃清介之士非以財貨動心者若用此祗足以為彼棄臣只須以言辭
宣揚 殿下威德彼當無他卻矣 太祖大悅即命炎往聘炎即承命拜
辭是時劉基方在籬下同母賞菊俄有異風拂席劉基觀風色鼓掌笑曰
此風不凡主有才人相訪耳即撤飲焚香鼓琴作歌曰壯士宏兮貫射日
雲材畧全兮可秉鈞衡世事亂兮群雄四起時歲歉兮百姓饑貧帝星耀
兮瑞臨建業王氣起兮定在金陵龍蛇混兮無入辨識賢愚者惟爾知音

李吉甫北帖是月通記統宗 卷一

孫炎之聘
伯溫即
生之說
不能過也

賢士
肩而至

一代之
君必有
賢臣以
佐君太
相於伯
溫是也

○時琴聲未絕忽有人叩戶劉基遂起身啟戶迎之延入而坐問曰公何人也素未相識何事辱過敝廬孫炎答曰吾乃和陽朱公子帳前大夫孫炎也我殿下久慕先生抱孔孟之道管樂之器特命某屈請先生輔佐政治以安天下基辭曰某乃一介寒儒潛居僻地少無問學之才長無賢身之術將何以為世用炎曰值此天下荒亂乾坤鼎沸今朱殿下聖明英武四方賢士襁負而至昔漢之孔明躬耕南陽不求聞達以待劉先主之三顧當時若失劉先主則終身為茅廬之賤士矣時不可失先生宜明察之且吾殿下望先生甚殷即款躬拜門下奈軍務冗迫胡兵梗道故令炎代請先生不可謂其心之不誠也基聽言大驚默思此人言辭利捷非常人也乃問炎起居纖悉答曰炎乃金陵人即江淮所為狂夫是也基再致敬曰久聞明公聰明睿智海宇無雙何事敢勞降臨孫炎謙讓曰炎乃斗筭之器何足為先生道基又問曰公言朱殿下仁明英武其言

伯溫所
論五者
誠治天
下之根
本

孫炎所
論五事
皆太祖
身行不
為虛談

高鳥
擇木
而栖
良臣

不虛夫人君之量須兼五事曰仁義禮智信是已公言朱殿下仁明英武厚德寬容果能行此事否炎答曰凡此五事皆我殿下身體而力行之者吾殿下首依滁陽王起義兵王死孫德崖欲私賂殿下共圖兵權殿下不沒遂殺德崖立王子為和陽王此豈不為義乎元世荒江淮鼎沸群雄暴虐悉嗜食殺民無栖止我殿下提三尺劍以救生民發粟賑饑散帛濟寒衣之如父母此豈不為仁乎招納豪傑延接英雄既得州城下車訪士豈不為禮乎三破蠻子海牙擒陳也先取江淮諸郡未嘗大敗此豈不為智乎巢胡俞廷玉等以書求援我殿下即率師往救後以趙普勝左君弼等所圍又取和陽兵解圍出而生之此豈不為信乎是其畧也若夫溫良恭儉讓之德則又有可言者漢容撫民和厚待眾乃溫也賜沐英復姓分民差役乃良也好賢下士居尊不驕乃恭也衣不重帛食不二味乃儉也有功不伐有善不張乃讓也先生豈不聞高鳥擇木而

釋主而仕

龍青田同徙金陵

寓兵於農之意

太祖可謀勇略遠克漸

栖良臣擇主而仕今元帝昏暗進佞退賢張士誠貪而且驕徐壽輝暴而自虐方谷球偷盜為生劉福通苟延度日先生有美玉於斯韞而藏之久矣今遇巧匠而又沉淵是自棄也基被孫炎所說俯思良久曰當奉教命即令炎拜其母以壯意啟之母亦不問基乃整裝越日回母與孫炎離青田縣遂同往金陵田立管領民兵萬戶府諭行中書省臣曰古者寓兵於農有事則戰無事則耕暇則講武今兵爭之際當因時制宜所定郡縣民間豈無武勇之材且精加簡拔編緝為伍立民兵萬戶府領之俾農時則耕閑則練習有事則用之事平有功者一體陞擢無功者令還為民如此則民無坐食之弊國無不練之兵以戰則勝以守則固庶幾寓兵於農之意也

謹按

此制不獨國初可行在今日尤可行不獨亂世可行在治世尤可行不獨一時可行在萬世可通行無弊

正時群雄割據上固守江東諸郡以觀四方之勢乃謀取浙東胡大海率

胡大海

兵攻蘭溪克之進攻婺州華府金不下十一月上命李善長徐達守建康

廣積糧緩稱王

自率常遇春等兵將十萬往征之由寧國道徽州召儒士唐仲實姚瑛等咨時務訪治道問民疾苦聞前學正朱升名召問之升對曰高築牆廣積糧緩稱王上悅命預帷幄密議十二月師至蘭溪先令湖州人王宗顯

王宗顯博法

前徃婺城探聽宗顯少業儒博涉經史避亂橋居嚴州胡大海薦之宗顯

經史善察慮實太祖用之後任太守

至婺近城五里舊識吳世傑家探得城中守將各自為心回以告上喜曰我得婺州令汝作知府遂進攻城首敗嚴州參政石抹宜孫所遣援兵

太祖得元守密安慶寺為內應而取婺城亦際遇也

次日攻城未下元守將同僉寧安慶與治書帖木烈思不和夜遣都事李相繩城請降約開東門納兵上許之因給以飛字號五百入城之日於本部將帥家照證以明順逆兵既入城敵惶惑失措遂擒帖木烈思并院判石抹宜孫等下令軍中無得侵暴改婺州路為寧越府置分中書省召儒士許元葉瑄王胡翰汪仲山等十餘人皆會食省中日令二人進講經

太祖崇儒重道
政訓等規
模何可多得

太祖八發城
禁擄掠有
漢高家法

史敷陳治道以王宗顯知寧越府事命宗顯開郡學延儒士垂儀宋濂為五經師戴良為學正吳沉徐原為訓導時喪亂之餘學校久廢至是始聞絃誦之聲無不欣悅

謹按

時方草創其文雖成敗未可知而即以崇儒興學為首務此豈尋常群雄所及抑前代創業諸君猶未見有此

上既撫定寧越欲遂取浙東未下諸郡集諸將諭之曰克城雖以武而安民必以仁吾師北入建康秋毫無犯故一舉而遂定今新克婺城民始獲甦政當撫恤使民樂於歸附則彼未下郡縣亦必聞風而歸吾每聞諸將下一城得一郡不妄殺人輒喜不自勝蓋師旅之行勢如烈火烈則人必避之為將者能以不殺為心非惟國家所利在已亦蒙其福爾等從吾言則事不難就大功可成矣

謹按

孟子有云三代之得天下也以仁又曰不嗜殺人者能一之我暴帝王之典其施為氣象自超出於群雄萬萬天命人心尚安能舍此而之他哉

伯溫所
論三人
皆命世
之才

皇祖得
此四賢
天下何
愁不一

優待賢
之命人
君之盛
洪

續是時孫炎與劉伯溫行至台州安平鄉基乃駐車謂炎曰此處有二賢士真佐世大才其一姓宋名濂其一姓童名溢其一姓葉名琛皆國器吾欲邀彼同往共佐王事炎待片時孫炎曰公無獨往之理須炎同行乃為啟賢之道基大喜曰公言甚當二人遂聯騎入村逕造其廬被三人本非同郡宋濂金華人章溢處州府龍泉人葉琛台州麗水人因避亂故同居耳俱與伯溫契交以是伯溫欲其同行是日孫炎與伯溫至門三人竊迎謂伯溫曰久瀕面談今日何幸而降伯溫曰因金陵孫大夫朱殿下命來此召請我四人其已受詔望三公勿辭章溢曰伯溫命世之才宜當受詔某三人皆草茅庸陋何能而辱詔命乎孫炎曰三公名播四海故此朱殿下降優賢之命請先生輩用助救民之意望弗孤其心也宋濂曰某亦聞朱公子之名久矣好賢禮士當今之周文也某等久埋老死無益不若附翼展經綸以濟斯民之塗炭亦一快事但乞伯溫從容詳議可

太祖欲蓋混
一天下而
一時四方
英雄響應
亦談虎風
雲之會也

太祖以
劉基之
言為金
玉

也。基曰：吾家屬在遠，不能久駐，無恠勿矣。宋濂曰：何迫逼如此？章濂曰：既於伯溫應命，我等只得相從，乃令家屬促裝，即日由安平村乘轎而行。歷至金陵，孫炎來見。太祖曰：臣奉命聘召劉基，又於途邀三人同赴，詔命乃宋濂、章濂、葉琛也。太祖喜曰：吾久聞宋濂之名，今得至此，乃大願也。命召入李善長，既衆人來歸，殿下宜親接，以盡敦賢之禮。太祖意益極，故惜余智陋，才凡不克如意，久慕四位高明，特請相助，今承不棄而來，願有所教也。劉基對曰：皇天無親，惟德是輔。殿下今欲應天行道，伐暴救民，其要在不貪欲、不嗜殺而已。太祖曰：先生之言實為金玉。今天下紛紜，不能統一，此外更有急也。宋濂對曰：方今元祚垂盡，而四方鼎沸，豪傑雄才之士，勢不獨安。夫有勇略者，可以馭衆；有奇識者，可以占天。殿下欲掃平天下，剪除僭偽，人才為急務也。章濂曰：群雄竊據各方，

太祖居國
事不虛天
曉其可謂
用心於民
疾

其心不過聲色玉帛而已，未始有仁義也。殿下誠能反其所為，以仁以義順人心，合天理，天下不足定也。葉琛曰：殿下雄才碩德，寰海皆聞，人心既順，天意可知。太和雍熙之治，可計日而定也。太祖聞四人之言，欣喜不盡，令設宴款飲。是夕，衆將各散，獨留李善長、徐達、常遇春、湯和、鄧愈、馮國用、孫炎及劉基等四人，復夜飲。太祖大喜，復問宋濂曰：吾聞江東有二高士，乃公與王禕也。今公已至，不知王禕所在耳。濂曰：臣亦久聞禕名，但不知居何處。太祖曰：公等當共訪求，以圖國事。談論之間，不覺天曉。太祖乃授劉基太史令，宋濂資善大夫，章濂、葉琛俱國子監博士，四人叩謝而退。

正巳亥元至正十九年 宋龍鳳五年

正月，樂平儒士許瑗謁見，瑗聰明過人。至正初，而以易經舉於鄉，皆第一。及會試，不第。放浪吳越間，每醉輒大言自負。至是謁，上于金華曰：方今

用英雄
如飢渴

用兵不在
多寡以計
為上

兵取
暨州

元祚垂盡四方鼎沸豪傑之士勢不能安夫有勇略者乃可馭雄才有奇識者然後能知奇士閣下欲掃除僭亂平定天下非收攬英雄難以成功上曰今四方分擾民困塗炭予用英雄有如飢渴方廣攬群議博採策共成康濟之功瑗曰如此實帝王之道天下不難定也 上喜即授博士留帷幄參預謀議未幾以太平為股肱郡命瑗為知府 命樞密院判耿再成率兵屯縉雲縣之黃龍山規取慶州黃龍四面斗絕再成樹柵其上以遏其衝敵兵來咸擣敗之 胡大海李文忠兵取諸暨州張士誠將華元帥遁去 鄧愈領兵略浙西臨安大破張士誠兵於開林寨 二月張士誠兵侵嚴州李文忠率兵從小北門出過鮑婆嶺由碧溪塢與戰大破之 張士誠兵寇江陰鰲鱗蔽江偽將蘇同僉者建牙君山指畫為進攻狀守將吳良下令曰彼眾我寡當以計破之勿輕動也有頃敵陣于江壩良命弟禎整兵北明當其西北面以十餘騎蹂之擒其數人餘黨莫敢前

吳院判保
障一方

上無東
顧之憂

方國珍詐降
順沒藉戒
師為聲援
太祖推誠
相與心無
懷疑二者
心各不同

且分兵欲攻我東門良遣元帥王子明馳出擊之生獲其將士五百人殺溺死者甚眾敵大敗宵遁未幾寇侵常州良復遣兵間道殲其援兵于無錫之三山敵狼狽奮氣倉皇旋軍自是敵兵不敢犯其境其舟師不敢涉大江上金焦烽燧無警 上召入見勞之曰吳院判保障一方使吾無東顧憂其功大矣賜之車馬珠玉不足以旌其能命諸儒臣為詩文以美之 三月方國珍遣使以温台慶元三郡來附國珍台之黃巖人至正戊子起兵劫掠沿海州縣元兵不能討招安之國珍遂據有三郡王師克金華上遣使往慶元 今寧波府招諭之國珍與其下謀曰方今元運將終豪傑並起惟江左號令嚴明所向莫敵今又東下婺州恐不能與抗况與我為敵者西有張士誠南有陳友定莫若姑示順從藉為聲援以觀其變遂遣使奉書幣以三郡來附且以其次子關為質 上曰古人慮人不從則為盟誓盟誓變而為交質皆由未能相信故也今既誠信來歸便當推誠相與如

太祖知寶物
却女子帝
王所見自
是與人迥
別

太祖不
以女色
為心

張德勝
戰敗晉
勝於柵
江口

徐達等取
池州以討
攻之

青天白日何自懷疑而以質子為哉乃厚賜關而遣之國珍既又以金主
飭馬鞍轡來獻上曰吾方有事四方所需者文武才能所用者穀粟布
帛其他寶玩非所好也悉却之○金華有民獻一女子年方笄能作詩
上怒曰我取天下豈以女色為心耶命誅于市以絕進獻○陳友諒遣趙
普勝寇寧國府之太平縣總制胡惟賢命萬戶程允同義士汪炳率兵五
千擊敗之獲其糧萬餘石普勝復寇青陽石埭等縣僉院張德勝與戰于
柵江口復破走之○四月張士誠遣其將哮囉張侵常州吳復督兵與戰
于高橋敗之○張士誠遣兵侵嚴州至大浪灘李文忠遣部將何世明率
精銳西出烏龍嶺至胥口與戰破走之自是賊兵不敢復窺嚴州○徐達
與俞通海趙德勝等擊趙普勝柵江營大破之賊棄舟走獲巨艦艘幢數
百艦進取池州擒偽帥洪鈞等時上親征浙江方憂趙賊剽劫聞捷大喜
擢徐達同知樞密院事諸將陞賞各有差○帳前總制親兵都指揮使馮

國用平年三十六

張士誠據
鎮江自號
吳王

副將趙
忠知天
命不敢
與敵

趙忠望
家往東
而走

謹按馮國用之典親軍也我太祖稱其導從有方動合古道其死也
上憫惜之其葬也車駕臨墓致奠後追封即國公塑像于功臣廟
續張士誠據鎮江暮將鄧清副將趙忠二人聞金陵兵至共議迎敵趙忠
曰吾聞和陽兵勢最大所至無敵朱公子厚德仁乃命世之主非吳王
比况鎮江金陵右臂彼必力爭我兵微弱戰守兩難不如以城降之不惟
救百姓之傷殘且以順天命之有歸也鄧清叱之曰爾受吳王厚爵不思
盡忠報効敵兵一至便欲投降真大疏之輩也趙忠曰我非不知食人之
食者當忠人之事但士誠貪饜不仁終無成事我等附之豈能立身揚名
乎鄧清愈怒曰須先斬此賊後破敵兵即時抽刀向前趙忠大怒亦持刀
來迎二人步戰數合鄧清力怯走趙忠見左右各有不平色恐事生不測
急出遇養子王鼎備言其事王鼎曰事既如此若不速避禍將及身矣忠
與鼎馳家挈母妻策馬往東而走鄧清聞知即鼓聚軍民一千餘人追趕

卷之六

趙忠訢

鄧清不戰而走

取無為州

趙忠正走之間適遇徐達兵來忠徑望軍中投拜曰某是鎮江副將趙忠因勸鄧清同歸元帥彼執迷不悟致生嫌隙糾集黨類乘趕殺元帥救我家屬入營某當轉殺此賊以為進見之功徐達聽言大喜即乘機與忠一計使抄後陣以去達乃催兵前進與鄧清迎敵清大罵索取趙忠達曰彼乃達時變者爾乃領兵追殺欲何為也可速投降不失富貴矣清大怒驅兵前戰達前軍趙德勝躍馬橫冲其陣清見德勝威猛不戰而走達率兵掩擊清走至城下令守者閉門並無應者只見趙忠在城樓上大呼奸賊鄧清吾已取其城矣清知事變欲投他往達驅大兵迫緊城下進退不得遂降鎮江自是以定六月上自金華還建康七月上以無為州逼近肘腋未附命元帥朱文遜秦友諒率兵進攻克之八月遣徐達攻安慶達率張德勝等自無為登陸夜至浮山砦擊敗趙普勝部將胡總管兵追至潛山界陳友諒募政郭泰領兵至沙河迎戰達等復大破之斬

又取衢州

廷王父之子之功定博

胡深知天命叛宜孫而歸太祖

郭泰獲馬騾牛羊千餘軍資無算遂克潛山九月常遇春胡大海進兵取衢州元守將張院判以兵拒戰擊敗之奔入城數日復出戰敗而入十月克之○張士誠遣兵侵常州吳復督兵出忠節門奮擊大敗之上賞復白金五十兩紅刺繡蟒衣一襲名馬一疋○僉院俞廷玉率兵攻安慶不克歿于陣

謹按我太祖之初繼和州謀渡江也廷王實偕諸子倡眾將率舟師所以報俞氏者尤厚廷王後追封河間郡王子通海等皆封公侯

正十月胡大海取再成進取慶州初再成駐兵黃龍元慶州守將叅政石抹宜孫遣元帥葉琛屯桃花嶺叅謀林彬祖屯葛渡鎮撫陳仲真等屯樊嶺元帥胡深守龍泉以拒我師久之將士怠弛皆無鬪志胡深知天命有在叛宜孫間道來降且言慶州兵弱易取大海等聞之大喜即出軍抵樊嶺合攻之大敗其眾連拔桃花嶺葛渡二寨遂泊城下宜孫戰敗棄城走建

陳友諒
居江州
自稱漢
王

方國
球知
天命

太祖創禮賢
館以處劉
宋章葉四
先生

寧七邑皆下命再成統兵鎮之未幾宜孫收士卒欲復慶州攻慶元再成
擊敗之宜孫戰死○陳友諒襲其主徐壽輝殺其左右居之于江州今九江府
友諒自稱漢王○遣使徵青田劉基浦江宋濂龍泉章溢麗水葉琛上
之征浙東也胡大海薦此四人之賢遣使以書幣徵之時李文忠守金華
亦薦諸儒之有聲望者王棉許元黃天錫上省徵用之

正 庚子元至正二十年 宋龍鳳六年

正月元福建行省參政袁天祿以福寧州來歸天祿見王師下浙江諸郡
方國珍歸附知天命有在遂遣古田縣尹林文廣來納款上賜書褒嘉
之○以馮勝為帳前總制親兵都指揮先是馮國用卒子誠幼上命勝
襲兄職仍掌親軍○三月劉基宋濂章溢葉琛深至建康入見上喜甚曰
我為天下屈四先生賜坐從容與論經史及咨以時務甚見尊禮命有司
創禮賢館以處之劉基自幼聰明絕人凡天文兵法性理諸書過目洞識

劉基識
天子氣

趙天澤
奇劉基

勾踐
之業

其要至正初以春秋舉進士授江西高安縣丞累官江浙儒學副提舉每
以剛方不合投劾去嘗遊西湖有異雲起西北光映湖水時魯道原字文
公與諸同遊者皆以為慶雲將分韻賦詩基獨縱飲不顧大言曰此天子
氣也應在金陵十年後有王者起其下我當輔之時杭城猶全盛諸老大
駭以為狂悉去之時無知其者惟西蜀趙天澤奇之以為諸葛孔明之流
嘗作文以奇之方國珍反海上省憲復舉基為行省都事基建議以為方
氏首亂宜捕而斬之省請于朝丞相受方賂准招安授方國珍以官乃劾
基擅作威福羈管于紹興是后方氏遂橫莫能制未幾行省復起基用之
以時終不可為乃棄官歸田里著郁離子客或說基曰今天下擾擾以公
才略括倉併金華明越可折簡而定因畫江守之此勾踐之業也舍此不
為欲悠悠安之基曰吾平生忿方國珍張士誠輩所為今用子計與彼何
殊耶且命將有歸子姑待之會上下金華定括倉即處州府基乃指乾象謂

劉基知天命
上陳時務
十八策

所親曰此天命也豈人力能之耶適總制官孫炎以
上命遣使來聘基
遂定計逢金陵陳時務十八策 上嘉納之

劉基為
一代偉
人

謹按傳信錄劉基為高安縣佐縣者老有知天文術教之學者其書甚
吾書盡相付基遂得究觀其說而領其要詞林記亦云基在高安時有
進賢鄧祥甫者精於天文術數見基聰明絕人乃以其書授基傳信錄
所稱者老即此人也嗚呼留侯受書于圯橋之老而興漢伯溫受書于
高安之老而興我皇明孰謂天果無意乎

正上問師即中陶安以劉基等四人之才如何安對曰臣謀略不及劉基

陶安論劉宋
章葉四人
之才可謂
名當其實

學問不及宋濂治民之才不如章溢葉琛上然之未幾以濂為江南等處
儒李提舉遣世子受經以溢琛並為營田司僉事基留帷幄預機密謀議
○李文忠遣部將何世明克分水縣斬首五百餘級○五月徐達常遇春
拔安慶趙普勝之永寨陳友諒盛兵來援遇春策其必攻池州以羸弱守

常將軍用計
伏兵友諒
大敗

城而伏銳士于九華山明白友諒果來攻城伏兵四合斬首萬餘級生擒
三千餘人○閏五月陳友諒陷太平府守將院判花雲知府許援皆死之

花元帥必節
孫氏負孤
忠節可之

夫必為
主妻必
為夫忠
節而全

神救
孤兒

續初友諒率舟師入寇圍城雲率麾下二千餘人結陣迎戰百友諒不得
入乃引巨舟泊城西南士卒緣舟尾攀堞上城城中乏食雲士馬俱備城
遂陷賊縛雲急雲怒罵曰賊奴爾縛吾主必滅汝斬爾為膾也遂奮躍
大呼而起縛盡絕奪守者刀連殺五六人復罵曰虜非吾主敵也曷不速
降賊碎雲首縛于舟檣叢射之雲至死罵賊不輟妻却氏生一子方三歲
雲與賊戰勢危却氏抱兒泣謂家人曰城且破吾夫必死之吾夫死吾必
不獨生然不可使花氏無后嬰兒在若等善撫育之聞雲就縛却氏遂赴
水死侍兒孫氏收却屍瘞之抱兒逃為偽漢軍虜之至九江軍中惡小兒
啼孫氏恐兒被害以簪珥屬漁家鞠之偽漢敗孫氏脫身至漁家復窺兒去
夜宿陶穴中天曙覓舟渡江遇漢潰軍奪舟碎孫氏及兒救之江偶波濤
中有斷木附之入蘆渚中渚有蓮實孫氏取啗兒凡七日不死忽夜半聞
人語聲呼之逢老父號番老生是故與偕行達 上所孫氏抱兒泣拜

李卓吾批點明通鑑綱目

其為父報仇

上亦泣宣兒于膝曰此將種也命賜雷老衣忽不見追之無所得一時咸驚其神異

讀按

花雲娟夫死節孫氏感神存孤此千載奇踪異跡五倫書功臣錄潛溪文集並紀至今讀之猶令人噴噴興嘆太祖後悼雲死事追封東丘郡侯時許瑗亦被執罵賊不屈死追封高陽郡侯立忠臣祠

友諒弒主稱帝真不仁哉特死期未到耳

陳友諒弒其主徐壽輝自稱皇帝先是友諒犯太平挾壽輝以行及太平陷急謀僭竊乃使人殺壽輝遂以承石五通廟為行殿稱皇帝國號漢改元大義群下立江岸草次行禮值大雨略無儀節○友諒既陷太平僭大號聲言東下建康震動敵計者或謀以城降或以鍾山有王氣欲奔據之

次字下有死字

劉基獻計

或欲決一戰不勝而走未晚也劉基獨張目不言上召基入內基曰先斬主降議及奔山者乃可破賊爾上曰先生計將安出基曰如臣之計莫若傾府庫開誠以固士心且天道后舉者勝宜伏兵俟隙擊之取威制敵以成王業在此時也上深然其策○時友諒遣人約張士誠同侵建

太祖然劉基之計不可群議之計其見之矣

太祖令康茂才誘虜

東寇落胆

康群議皆欲先復太平以牽制之上曰不可太平吾新築壘濠塹深內向使彼陸地來攻必不能破乃以巨艦乘城遂為所陷今彼既居上流順勢來攻寇舟師十倍于我猝難敵也或勸上自將擊之上曰此亦不可敵知我出以偏師綴我我欲與戰彼不交鋒而以舟師順流直趨建康半日可達吾步騎亟回百里趨戰兵法所忌皆非良策也吾有一計足以破之于是召指揮康茂才謂曰有事命汝能之乎茂才曰惟所命上曰陳友諒欲來為寇吾欲速其來非汝不可汝與友諒舊宜作書遣使為降友諒約為內應招之速來仍給告以虛實使分兵三道以弱其勢茂才曰諾吾家有老閹者舊嘗事友諒具書令齎以往必信來無疑將行上以其謀語李善長善長曰方以寇來為憂何為更誘致之也上曰此策不可失釋今不為久則患深使二虜相合吾何以支先破此虜則東寇膽落矣李善長曰善遂遣閹者持書乘小舸徑至友諒軍友諒見閹者進書甚

易橋感友諒

太祖命諸將據險伏兵以待友諒

友諒今日入吾彀中走無歸路

太祖神筆大

喜問曰康公今何在曰見守江東橋又問橋何如曰木橋也乃與酒食遣還謂曰歸語康公吾即至則呼老康為號閣者諾歸具以告上曰虜落吾彀中矣乃命善長撤江東橋易以鐵石通官治之及旦而橋成有富民自友諒軍逃歸言友諒開新河口道路又令于新河口築水築虎口城以軍守之命馮勝常遇春率帳前五翼軍二萬人伏于石灰山側徐達等軍南門外楊璟駐兵大勝港張勝德與朱虎率舟師出龍江關外上總木軍于盧龍山今改名令持幟者偃黃幟于山之左偃赤幟于山之右戒曰寇至則舉赤幟舉黃幟則伏兵皆起各嚴師以待是日友諒果引舟師東下至大勝港楊璟整兵禦之時水路狹隘僅容三舟入港友諒以舟不得並進遽引退出大江徑以舟衝江東橋見橋皆大石乃驚疑連呼老康老康無應之者始知閣者之黠已即與其弟號五王者帥舟千餘向龍江先遣萬人登岸立柵其勢甚銳時酷暑上衣皆置甲張蓋督兵見士卒流

破陳友諒好智好智

友諒獲此太敗尤言不在漢高之右能不為識者羞

汗命去蓋衆欲戰上曰天將雨諸軍且就食當乘雨擊之時天無雲象莫之信忽風起西北酒更兩大注赤幟舉上下令拔柵諸軍競前拔柵友諒麾其軍來爭戰方陣適兩止命發鼓鼓震黃幟舉馮勝常遇春伏兵起徐達兵亦至張德勝朱虎舟師並集內外合擊友諒軍披靡不能支遂大敗潰趨舟值潮退舟膠淺殺溺死者無算生擒七千餘人其將張志雄梁鉉喻國興等皆降獲巨艦各混江龍塞斷江撞倒山江海驚者百餘艘及戰舸數百友諒乘別舸脫走於其所乘舟卧床下得戍才所遺書上笑曰彼愚至此可嗤也命諸將追擊友諒至慈湖縱火焚其舟賊衆大潰追至采石復大戰友諒復敗而走遂復太平張德勝戰死于陣

謹按此戰我太祖神謀妙算高出千古彌孰巨敵如玩弄嬰兒於掌股之間雖漢唐宋創業諸君所未及張德勝之死也上痛悼不已後追封恭國公配享

胡大海攻取信州

六月胡大海取信州先是偽漢傾國入寇上命大海出兵檇信州以奪

李自吉此點皇明通記卷一

即愈破舟溺
步友諒士
卒慘然敗
去

太祖遣十戶
王時性
京時宗元
朝動靜及
方國珍等
事情

李思齊
共起義
兵

制之大海率師至靈溪城中步騎數千出迎戰擊敗之督兵攻城守者不
能支衆潰遂克之改信州為廣信府以大海子德濟為行樞密同食守之
○七月故徐壽輝將鄱陽院判于光左丞余椿擊走偽漢將辛同知取饒
州遂以其城來附 上命鄧愈往鎮之饒濱鄱陽湖陳友諒數遣舟師來
攻城愈與于光等連營以拒之屢殲其衆賊兵乃退○遣千戶王時齊白
金往方國珍附格海舟至燕京体察元朝及察罕帖木兒李思齊等軍馬
事情先是劉福通陷汴梁迎其主韓林兒都之遣將四出攻略白不信太
刀教李喜之等趨關中破秦隴關先生破頭潘等趨山西破晉冀轉略上
都至遼陽毛貴田豐等據山東破河澗直沽薊州直逼元都其勢大振然
福通等皆無遠圖兵無紀律惟事屠戮焚掠所過無不殘滅北方苦之後
皆為元將察罕帖木兒所破察罕者汝寧沈丘人初與同郡李思齊共起
義兵討賊察罕尤善用兵己亥秋克復汴梁福通復以其主韓林兒走安

山東兵
勢甚盛

方國珍
心持兩
端未肯
真心歸
順

龍江之
戰無聞
志

伯仲不能
堅

李思齊此帖是月通已充宗 共武 一 卷

豐山西秦隴等處次第討平察罕遂以兵分鎮關陝荆襄河洛而重兵屯
太行日練兵積穀圖謀恢復山東兵勢甚盛故遣將往探之○方國珍既
歛温台慶元三郡不肯奉正朔 上累遣博士夏煜楊憲等往諭之國珍
答曰當初歛三郡時嘗請天朝發軍馬來守交還城池不至今若奉正朔
實慮張士誠陳友定來攻援者不至則危矣始以至正為名彼則無名罪
我况為元朝亂首元亦患之不得能招我四兄弟授以職名我弱則不容
矣要之從命必須多發軍馬來守即當以三郡交還 上知其心持兩端
乃曰且置之俟我克蘇州被雖欲奉正朔遲矣○時安慶為長江上流之
要地先是徐壽輝將趙普勝守之頗難攻取及陳友諒陷太平徐壽輝疑
普勝心不服乃誘殺之留別將守安慶而用普勝部將張志雄使帥兵從
侵建康志雄怨友諒故龍江之戰無鬪志來降因歛取安慶之策我師遂
進克安慶 上命前巢湖將俞伯仲守之友諒尋遣其將張定邊復

守安慶大
祖終不宥
以軍法

命遇
春率
兵取
寧國

亮相勒
騎追趕
遇春

破安慶伯仲道去還至龍江。上怒曰：主將不能堅守城池，城陷遠遁，宜誅之。常遇春諍曰：伯仲係渡江勳舊，且曲赦之。上曰：不依軍法，無以警戒。后入賜弓絃一條，令自盡。權其弟庸，僉行樞密院事。○十二月初，士誠遣兵據分水新城之。二溪李文忠遣何世明擊之，斬其將陸元帥、花將軍等一千餘人，焚其營。太祖命常遇春率兵來取寧國。朱亮祖聞遇春來，大怒，急率兵一萬出城來，兩軍相對。常遇春勒馬謂朱亮祖曰：我殿下德被四方，名聞天下，况今元君無道，汝若來降，必有重用。朱亮祖縱馬來，遇春舉鎗迎之，戰良久。亮祖佯敗，誘遇春趕來，一鎗中其左腿。遇春乃退還本營。明日，亮祖復率兵來戰，郭英以兵迎之，亦與戰，不利。馳還，亮祖勒騎追之。張德勝、郭英耿再成、楊璟大將乃併力與戰，以兵圍數重。亮祖以為懼已，而唐勝、宗陸仲亨以伏兵截其後，援亮祖始奔潰。馬蹶，陸地為我軍所獲。亮祖既擒，餘軍大敗。遇春叱曰：匹夫無知，敢以鎗刺我，幸勿護。

朱亮祖
臨殺而
言語益
壯真好
僕子

遇春釋
亮祖而
不殺重
將才也

遇春
求計

甲不致重傷，今日被擒，又如抗拒，不跪復何說？馬亮祖曰：二國交鋒，豈避生死？今我不幸，既以被執，願請一死。足矣。遇春聽言，大怒，喝左右斬之。亮祖曰：大丈夫要殺，即殺，何必發怒？即縱步而行，略不回顧。遇春見其勇壯，乃謂眾將曰：朱亮祖言詞相貌，誠有大將之才。况臨死不懼，實為大丈夫之志。昔日張翼德義釋嚴顏，乃成收蜀之功。我義釋朱亮祖，以取江西。若何？眾將曰：元帥惜才重賢，古君子之存心，有何不可？遇春急下帳，自解其縛，以衣冠衣之。躬身言曰：余濠梁獨夫，泥胸肉眼，不識將軍是大大夫，望乞恕罪。未亮祖曰：亡國之夫，不可以圖存；敗軍之將，不可以言勇。其何敢勞元帥如此禮愛也？遇春曰：將軍智勇無雙，英雄蓋世，何敢輕待？遂令眾將設宴，與亮祖飲。置之上坐。遇春乃問曰：今江南北州郡未下，遇春將攻之，敢望明公指教。一策。亮祖曰：狐兔之技，不能全身。安足與元帥謀乎？遇春曰：昔韓信得左車而下齊，張飛得嚴顏而下蜀，其故不及韓而將軍

本五此... 卷一

明主下
一有行

一紙文
書足招
定衆

寔出嚴李之右，卓賜一言以成全功。亮祖曰：深荷元帥謬譽，擬並古人，然其存心敢不竭盡。今江之南北十分之地，群雄已占八九。若欲攻之，必由馬馱沙潛山縣而入。今馬馱沙一帶俱屬其治，止用一紙文書，不勞元帥，可以招定其兵也。遇春大喜，次日徐達領兵與遇春相會，攻取各處城池，無不就理。

正辛丑元至正二十一年 宋龍鳳七年

劉基陳
天命
定征伐
之計

正月朔中書省設御座，奉小明主慶賀。禮劉基怒罵曰：彼彼豎爾奉之，何為不拜！上召基入問之，基遂陳天命所在。上大感悟，乃定征伐之計。二月命馮勝、趙德勝等攻高郵。三月泗州守將薛顯舉城來降。顯徐州沛縣人，勇略過人。上喜，授以指揮使，將兵從征。改樞密院為大都督府，以兄子文正為大都督，節制中外諸軍事。五月以胡大海為江南行省參知政事，守金華。六月偽漢將李明道率兵五萬寇廣信，守將胡

胡德濟求
援於父胡
大海

太祖親
征友諒

劉基取
九江
拔取斬
黃諸郡

德濟以兵少，閉城固守，遣人求援于父胡大海。即率師由靈溪以進，德濟聞援至，乃引兵出城與大海夾擊，賊兵大破之。擒明道及宣慰王漢二并士卒千餘，獲戰馬器械甚衆。上釋明道及漢二，仍授以官。因得友諒虛實，命為鄉導以取江西。友諒建昌守將王溥，漢二兄也。命漢二招溥使歸附。八月，上親征陳友諒。先是，上怒友諒恃遠犯我近疆，殲我各將，又聞其弑主及殺趙普勝，后將士離心，不樂為用。及安慶之陷，遂決意伐之。親督徐達等諸將率舟師乘風溯流而上，至安慶先陳陸兵以疑之。乃命俞通海、趙德勝等潛以精兵構其水寨，敵不及支，遂大破之。攻城自旦至暮，不拔。劉基以為且徑拔江州。友諒為都傾其巢穴。上從之，遂悉師西上。長驅過小孤，友諒將丁普郎迎降。師徑抵江州。距江州五里許，友諒始知之以為神兵自天而下，倉皇擊其妻子，夜奔武昌。我師遂克江州，乘勝進拔蘄州及黃州，與國黃梅廣濟旋師攻安慶，下之。傳友德率所部

本五十五卷元史卷一百一十五

四三

虎將傳友德
率部歸附
後成大功
明良相遇
也

知仁
傑至
言

太祖所論仁
傑之書其
問何等曲
節足以服
仁傑之心
太祖真豪
杰也

歸附友德其先宿州人徙居潁川后徙碭山勇略冠一時初從山東李喜
之起兵轉攻剽入蜀李喜之敗歸明王珍王珍不能用乃率所部走武昌
從陳友諒主師攻江州友德率眾降上喜其才即用為將遣使招諭
江西諸郡偽漢江西行省丞相胡廷瑞守南昌見江州已破遣其部將鄭
仁傑詣軍門約降請止若干事上初有難意劉基自后賜所坐胡床
上悟許之賜書慰諭之曰鄭仁傑至言足下有効順之機此足下之明達
也又恐分散所部屬之他將此足下之過慮也吾起兵以來十年于茲奇
才英士得之四方多矣其有能審天時料事機不待交兵挺身委身而來
者蓋其意亦欲立功當時垂名後裔大夫相遇磊磊落落一笑契合洞
見肺腑故常赤心以待之隨其才而任使兵少則益之以兵位卑則隆之
以爵財乏則厚之以賞初無彼此之分此吾待將士之心也安肯散其部
屬使人自疑而負其來歸之心哉且以陳氏諸將觀之如趙普勝驍勇善

太祖所論仁
傑之書其
問何等曲
節足以服
仁傑之心
太祖真豪
杰也

戰以疑見復猜忌若此事竟何成近建康龍江之夜所獲長張
鉉彭指揮諸人用之如故視吾諸將均義一無有所聞及長張破安慶水
寨梁鉉等攻江北功績茂著並膺厚賞此教人者其有視無復生理尚待
之如此况如足下不勇一卒以完城來歸者耶然得失之機間不容髮足
下當早為之計

疑忌推
誠効相
南北

謹按英雄豪傑之欲有為於天下其成敗有機也推誠結納者無不
成使項羽不疑亞父鍾離未楚未易透也先武岸憤而待馬援唐太
宗賜金以懷尉遲識此流也故皆混一天下不旋踵我太祖所用將
如康茂才朱亮祖胡深之流皆朝為仇敵暮為君臣水釋前愆一笑契
合他如丁普即陳兆先王溥輩尤未可一二數楚材晉用死不思致其
死力不獨長張諸人而陳友諒有一趙普勝疑而殺之卒致群下離
心尚欲與我太祖角勝難矣蓋彼不知疑忌之與推誠其效正相南
北也

趙廖二將
軍分兵攻
下瑞州

正偽漢餘干守將吳宏建康守將王溥袁州守將歐祥皆遣使請降○命
趙德勝廖永忠等分兵攻下瑞州臨江吉安諸郡○鄧愈領兵襲浮梁偽

太祖所論仁傑之書其問何等曲節足以服仁傑之心太祖真豪杰也

饒州之境悉定

節愈知厲情
挾詐納款
是夜捲甲
其見神矣

陳平高
集兵三
路往援

常將軍
破寇解
圍

漢參政侯邦佐棄城遁取樂平擊散偽蕭總管五千餘眾擒萬戶彭壽等六十八人饒州之境悉定十月節愈駐兵于臨川之平塘時節克明據撫州遣使通款而實無獻城之意愈知其情捲甲夜趨比且入城克明單騎遁○遣都事汪何使元察帖木兒通好先是察罕既討平河南兵威大振是秋復總兵討平東山諸寇田豐王士誠等皆降遠邇震懾上故命何通好以觀之○張士誠遣其司法李伯昇率兵寇長興衆十餘萬水陸並進敵勢甚盛城中兵僅七千諸將陳華高曹聚等三路督兵往援之寇兵夜劫營軍皆潰耿炳文嬰城固守寇悉兵圍城結九寨為樓車下瞰城中運土石填濠障放火船燒水關攻城益急炳文於城中晝夜應敵凡月餘內外不相聞至十一月上在九江聞報亟遣常遇春將兵往援兵至伯昇棄營遁遇春追擊之俘斬五千餘人○康茂才蔡遷等敗偽漢八陣指揮遂取瑞昌縣

壬寅元至正二十二年 宋龍鳳八年

偽將皆
降太祖
威聲著
矣

賊委城
遁去

劉基迎
入城一
夕定二
郡之亂

正月 上幸南昌胡進瑞率其副將偽平章祝宗同僉康泰等迎謁建昌王溥餘干吳宏袁州歐普祥黃彬俱率眾來見袁州陳龍及吉昌孫本立魯萬中皆來降以節愈為江西行中書省叅知政事鎮南安命徐達率降將祝宗康泰等攻武昌○二月金華苗軍元帥將美劉震等作亂殺叅政胡大海李文忠聞亂即率石鮑赴至蘭溪賊委城遁去文忠遂入金華撫安其民時慶州苗將李祐之賀仁德等亦謀反殺院判耿昇成與總制孫炎等李文忠復調兵屯縉雲以圍之時二郡煽亂衢州或謀翻城應之守將夏毅懼其會劉基丁母憂回即迎入城一夕定之基發書金處屬縣諭以固守所部侯甸諸軍進討時耿昇成子天璧方奉命往慶起發苗軍中途聞變馳至李文忠所得昇成舊部千戶朱絢等遂集合部將士會同邵平章張院判兵往討賊遇賀仁德拒于劉山擊敗之諸軍進圍慶州

李守正北... 卷一

讀按功臣錄云胡大海為將號令嚴明攻必克戰必勝... 遺民務盡其心... 事而已不殺入不虜入婦女不焚入廬舍故其軍一出遠近之人爭趨... 附之其死也... 臣之死也帝痛念弗置後追封大海越國公再成泗國公並配享太廟... 仍塑像祭于功臣廟初大海未薨嘗在出入見其兩自烟炯有光若... 及既薨敵兵有犯境軍中或奠大海若生時或夜現火光滿野洵洵若... 今馬聲師出輒大捷似實有陰助者入咸異之蓋其陰竟烈矣上薄於... 星辰之間固未嘗止也

張士誠反

乘亂乘機

續三言際會李文忠為浙江行中書省左丞總制嚴衢信處諸王軍馬... 謝再興告急于李文忠文忠以嚴州兵少無密邇桐廬賊境衢信兵出江... 西無以應援金華與部下議兵貴虛聲揭榜於賊境詐云平章即率領兵... 五萬已出江右右丞徐達領兵五萬已出徽州約會金華討日進抵諸暨... 勤捕賊兵見榜具告呂同僉欲退五里下營以待決戰時胡德濟得李文... 忠檄自信州將兵來援適有降卒走報賊情德濟得其言與謝再興分門

李文忠揭榜
語多以
相戒

以守至夜半令軍士飽食鑼鼓砲銃聲振天地一鼓出城寇營驚亂人馬... 奔走自相蹂踐德濟督兵追殺橫死滿野呂珍部下定鋒渡河溺死片中... 不還○四月諸軍攻破處城李祐之賀仁德等伏誅○江西降將祝宗康... 恭叛回據南昌樞葉琛迎戰于市死之○鄧愈出走徐達兵至湖廣沌口聞... 越乃楚之重鎮吳西南之藩屏得其地是去陳氏之一臂矣况入好訟難... 制山寨未降者多非骨肉重臣真能治之五月命大都督朱文正統元帥... 趙德勝薛顯等同參政鄧愈鎮之○六月田豐王士誠刺殺元平章察罕... 帖木兒初豐等之降也察罕推誠待之不疑數獨入其帳中及豐既謀變... 乃給請察罕行營遂為所刺先是有氣如索起危宿貫太微垣太史泰山... 東當大水元主曰不然山東必失一良將即馳召察罕勿輕舉未至而... 已及難時元朝所恃群雄所懼惟一察罕聞難遠近莫不驚惶上聞之

如德濟
大破張
兵好計

南昌重鎮

其地是去
陳氏一臂

此太祖之
至言

察罕被
刺罪在
察罕不
逆詐田
豐之過

已及難時元朝所恃群雄所懼惟一察罕聞難遠近莫不驚惶上聞之

卷一

太祖曰天下無入其權察重亦惟元朝重也

曹良臣率所部來歸祖嘉之以其為衆所推不觀望於人也

明王珍亦效蜀亦效陳友諒絳主統

亦嗟歎良以曰天下無入矣。○八月平章邵營謀不軌事發伏誅。○池州賊羅仲賢據神仙寨作亂欲通張士誠統欽震動。○十一月當遇春趙德勝等討平之斬仲賢。○偽漢八陣指揮餘黨建柵南昌之西山。○十二月趙德勝孫興祖等攻敗之俘斬二千餘人。○安豐人曹良臣率衆歸附良臣英毅剛果為衆所推聚兵立柵以禦外侮約束嚴明至是來歸。上謂其將兵負固於兩間可觀望而不觀望其誠可嘉為江淮行省參政將兵從征同時有歸政者亦集衆千人立柵捍寇至是亦率所部來歸。上嘉之授江淮行省平章。

癸卯元至正二十二年 宋龍鳳九年

正月故徐壽輝將明王珍稱帝於成都建國號曰夏政元大統王珍湖廣隨州人初從壽輝起兵從文俊陷川蜀令王珍守之已而陳友諒殺文俊弒壽輝王珍遂自據成都稱龍鳳王至是稱帝。○元平章擴廓帖木兒遣使尹煥章以書幣來通好擴廓者察罕之甥王保保也察罕無子養以為子及察罕為田豐王士誠所害元主命擴廓代總其兵討誅田豐等山東悉平至是遣使來通好。上復遣都事汪何與俱往報其禮何至河南擴廓拘留之。○時江西州郡雖附往往觀望狐疑未決臨江吉安撫州三城又叛趙德勝統兵復之。○二月張士誠遣其將呂珍率衆十餘萬圍劉福通於安豐福通遣入間道求援珍攻破安豐殺福通據其城三月上率徐達常遇春等往討之珍大敗時虜州左君弼出兵助珍又擊敗之珍與君弼皆走遂命達等移兵圍虜州元將竹昌所都棄間入安豐。○四月諸暨守將謝丹與叛降于張士誠先是丹與遣人潛往杭州私易貨物上怒其洩國事召丹與責之命參軍李萬真往諸暨節制軍事遣丹與回聽調丹與懷怨因謀叛遂執萬真以諸暨全城軍馬赴紹興降以兵寇東陽李文忠自嚴州率銳卒馳二百六十里遇賊於義烏擊破之胡深亦自處

帝之為

汪何往河南擴廓拘留之不以

謝丹丹叛降於士誠

使尹煥章以書幣來通好擴廓者察罕之甥王保保也察罕無子養以為子及察罕為田豐王士誠所害元主命擴廓代總其兵討誅田豐等山東悉平至是遣使來通好。上復遣都事汪何與俱往報其禮何至河南擴廓拘留之。○時江西州郡雖附往往觀望狐疑未決臨江吉安撫州三城又叛趙德勝統兵復之。○二月張士誠遣其將呂珍率衆十餘萬圍劉福通於安豐福通遣入間道求援珍攻破安豐殺福通據其城三月上率徐達常遇春等往討之珍大敗時虜州左君弼出兵助珍又擊敗之珍與君弼皆走遂命達等移兵圍虜州元將竹昌所都棄間入安豐。○四月諸暨守將謝丹與叛降于張士誠先是丹與遣人潛往杭州私易貨物上怒其洩國事召丹與責之命參軍李萬真往諸暨節制軍事遣丹與回聽調丹與懷怨因謀叛遂執萬真以諸暨全城軍馬赴紹興降以兵寇東陽李文忠自嚴州率銳卒馳二百六十里遇賊於義烏擊破之胡深亦自處

築城保浙東

州引兵來援與文忠議以諸將浙東藩障若諸暨不守則衢處不支矣乃度地去諸暨六十里並五指巖築一城不旬日而成樓櫓濠溝不畢備時上聞諸暨叛遣使來議別為城守計既至城已完上大喜以胡濟為浙東行省兼政守之未幾張士誠將李伯昇大舉入寇兵號二十萬圍城下城堅不可拔乃引去○劉基自浙回時陳友諒據湖廣張士誠據浙西皆未下衆以為蘇湖地肥饒欲先取之劉基曰張士誠自守虜耳陳友諒居上流且名號不正宜先伐之陳氏既滅取張氏如囊中物耳會陳氏復來侵上遂伐陳氏○四月偽漢陳友諒自將圍南昌時友諒憤其疆域日蹙乃大作戰艦悉其所有兵號六十萬空國而來自為必勝之計是月壬戌乘江漲直抵城下其氣銳甚用雲梯百道進攻晝夜不息友諒親督促之攻撫州門城堞二十餘丈朱文正鄧愈督諸將死戰且戰且築城壞復完友諒盡攻擊之術而城中備禦隨方應之殺傷甚衆於是院判

陳友諒圍南昌

朱文正

州

德勝亦子而發為將金指握鹿孩而倒

趙德勝料敵如神

朱文正詭降亦軍中一時之權變

詭降

李繼先元帥半海龍趙國旺等皆戰死是月癸酉趙德勝統步卒千八開門出戰其偽將金指揮操戈直前德勝彎弓一發應弦而倒五月丙子友諒攻新城門薛顯將銳卒開門突戰斬其平章劉進昭擒其副樞趙祥敵退而復合友諒復分兵攻臨江吉安以其所獲吉安守將劉齊朱華臨江同趙天麟等拘于城外文正等不為動○六月辛亥趙德勝巡城至東門敵發礮張弩中其腰箭深入六寸重傷而死

謹按

功臣本傳云德勝性剛直沉鷲賦下嚴肅一號令之加旗幟為之改色每從大將征伐恪守軍令不違尺寸平生未嘗讀書而隨机應變料敵如神動與古名將合臨敵不懼奮不顧身遂及于難上痛念德勝不已後追封深國公配享太祖仍肖像祭于功臣廟

趙德勝既死南昌圍日久援兵不至內外阻絕朱文正乃遣千戶張子明赴建康告急復詐遣軍士號捨命王者請友諒營約日出降友諒信之緩其攻及期城上旗幟一新至不出交諒縛捨命王於城下殺之文正等堅守以待援師張子明取東湖小漁舟直從水關潛出越石頭口直行畫正

攻

友諒師
夕乏糧

太祖親督舟
師三十萬
大敵鄱陽
湖

徐達等
軍威大
振

定邊身
波濤傷

半月始達建康。上問友諒兵勢如何。子明對曰：友諒兵雖盛而戰聞死者亦不少。今江、水、涸，巨艦將不利用。又師以乏糧，若援兵可必破矣。上曰：汝歸語文正等，但堅守。一月吾當自取之。不足慮也。子明還至湖口，却為友諒兵所執。友諒謂曰：若能誘城降，非但不死，且得富貴。子明佯許之。至城下，呼曰：我已見。主上令諸公堅守，大軍且至。友諒怒，攢槊刺殺之。文正等聞之，守益堅。○七月，陳諒圍南昌八十餘日。上命諸將解廬州之圍，親督舟師二十萬往援之。進次湖口。是月丙戌，友諒始解圍東出，鄱陽以迎我師。丁亥，遇於康郎山，戊子，合戰。上分舟師為十二屯，命徐達常遇春等諸將奮擊，敗其前軍。復乘風縱火焚寇舟二十餘艘，軍威大振。友諒驍將張瑄奮前欲犯。上舟舟適膠沙，常遇春從傍射中定邊。定邊舟始退，前通海乘援舟驟然水湧。上舟遂脫，通海與廖永忠以飛舸追張瑄，定邊走，身被百餘矢，士卒多死傷。會日暮，上御樓船，鳴鉦集

友諒巨
舟連鎖
為陣

火攻破
敵

十里湖
水尽赤

今日捷
之諸君
之力

諸將申約束，命徐達回守建康。明日己丑，上親布陳，復與友諒戰。友諒悉以巨舟連鎖為陣，旌旗樓櫓望之如山。我軍舟小怯於仰攻，往往退縮。上不悅，親執旗四麾右師。小卻。上命斬隊長而下十餘人，猶不能止。時郭興侍側，趨進曰：彼舟如此大小，不敵，非人不用命也。臣愚以為非火攻不可。上然之，即命常遇春諸將分調網船，載葦荻置火藥其中。至晡時，東北風起，乘風縱火焚其戰艦，數百艘，煙焰漲天。十里之間，湖水盡赤。友諒弟為王，陳友仁、陳友貴及平章陳普略等皆焚死。又明日庚寅，永忠通海及汪興、趙庸復以六舟深入，搏擊之。敵連大艦，乘方拒戰。我師望六舟無所見，意其已陷。沒有頃，六舟飄颻而出，旋繞敵船，勢如游龍。我師見之，勇氣愈倍。合戰益力，聲震山海。敵兵大敗。忠等還。上勞之曰：今日之捷，諸君之力也。又明日辛卯，復聯舟大戰。自辰至午，敵兵復大敗。友諒欲退保鞋山，我師先至，壘子口橫截湖面，邀其歸路。友諒不得出，是夕我舟渡

李直臣此集卷之四 龍已充宗 共此一卷

大祖遺書友諒

十一郡番為我有

上示友諒循德勿作欺人之寇

移軍湖口初將軍密計

淺泊于左蠡與友諒相持者三百。上以書遺友諒曰：方今取天下之勢，同討夷狄以安中國，是為上策。結怨中國而厚夷狄，是為無策。曩者公犯池州，吾不以為嫌，生還將欲與公為約，從之舉。各安一方，以候天命。此吾之本心也。公失此計，乃先與我為仇。我是以破公江州，遂蹂躪黃漢沔之地。因舉龍興，即南十一郡，登為我有。今又不悔，復啟兵端，既困於洪都，而敗於康山，殺其弟姪，殘其兵將，損數萬之命，無尺寸之功。此逆天理，悖人心之所致也。設使公微倖逃還，亦宜脩德，勿作欺人之寇。却帝名而待真主，不致喪家滅姓，悔之晚矣。友諒不答。俞通海與裴議曰：湖水有淺處，舟難迴旋，不利於戰。具若人江據敵上流，彼舟若人即成擒矣。劉基亦密言於上，請移軍湖口。期以金木相犯，日決勝。上從之。八月八日，我舟入江，駐南湖嘴。水陸結營，列柵江南北岸，置火舟火筏，中流戒嚴，以俟敵舟不敢出。糧且盡，二十七日，敵計窮，冒死突出，繞江下流，欲由禁江道回。

友諒計窮敗死數尺可嗟怨何人

太祖悔安豐之行

友諒失計

外賊亡天下不足慮

韓成殺

上摩諸軍追擊，復以火舟火筏衝之，敵舟散走，追奔數十里，力戰自辰至酉。友諒中流矢貫睛，及顛而死。擒其太子善兒，其平章陳榮等悉以援船軍馬來降。張定邊乘夜以小舟載友諒屍及其子理奔還武昌。復立理為帝。初，上之援安豐也，劉基諫不宜輕出，上不聽。及敗，呂珍移師圍廬州。三月不下，聞為漢圍南昌。上謂諸將曰：為一廬州而失江西，豈家之法耶？命解圍援南昌。及友諒敗死，上謂劉基曰：我不當有安豐之行。使陳友諒乘我之出京城，空虛順流而下，直搗建康，我進無所成，退無所歸，大事去矣。今友諒不及建康而圍南昌，此計之下者，不亡何待？乃知天命有所歸也。時四方群雄割據者雖多，惟友諒無勢強大，號稱巨敵。既敗，上喜甚，謂諸將曰：此賊亡天下不足慮矣。○鄱陽之戰，上亦屢瀕於危，而後安。自成子至，庚寅三勝之後，交鋒既久，賊數不退，因被圍。一時群將計無所出，帳前總制親兵左副都指揮使韓成奏曰：臣聞古之人有殺身

身救大祖之難

劉基知星救難神見

世間有造顛人長可勝也

太平為首嗣

以成仁者臣不敢辭也遂賜成龍袍冠冕與上服同對賊投水中賊遂退又一日與友諒鏖戰劉基在御舟忽躍起大呼上亦驚起回顧但見基雙手揮之連聲呼之曰難星過可更舟上悟如其言更之坐未半餉舊舟已為敵砲擊碎矣是役也大戰五晝桓將臣效忠死敵者樞密院同知丁普即院判張志雄統軍元帥宋貴陳兆先副元帥宋求昌文貴王勝李信萬戶程國勝千戶姜潤鎮府曹信等凡三十餘人○時有周顛者建昌人年十四得顛疾行乞於南昌比長舉措謫詭人莫能識每見人必曰告太平嘗至金陵上每出顛必前遮拜時有所言必以告太平為首詞上厭之命沃以燒酒顛飲極多終不醉曰公寧能死我乎命覆以甕積薪煨之火息啟視正坐晏然乃令居蔣山寺轉益狂肆日燒甕甕良不堪月餘僧曰上言其異嘗與沙彌爭飯遂不食已半月上令僧更餓之因闕顛空室中水米不入口旬有三日及遣問如故上幸寺顛伏

顛人為地為圈

顛仙前知

持顛按之江

張士誠稱吳王

於道生以手畫地為圈謂上曰你打破一桶再做一桶既而王師征陳友諒上問顛此行何如應聲曰好上曰彼已稱帝今欲取之豈不難乎顛仰視屋久之端首正容握手曰上面無他底上曰汝從行可乎曰可即以所扶杖高舉趨前作壯士揮擊狀以示必勝意行至皖城苦無風遣問顛顛曰只管行只管有風無膽不行便無風乃令眾挽舟行不三重風起既而迅颯猛作倏忽連不孤上諭眾聞顛言輒來白至馬當見江豚戲波中顛曰水怪見前行損人多上聞之怒令持顛去投之江久之眾與偕來上曰何不死之衆曰頻擲不能死上乃更與同食食罷顛整容飭衣若遠行狀趨近上前曲腰伸頸謂上你殺之上曰且未殺姑縱汝行顛遂去真知所之後有人見顛在廬山中有御製周顛仙傳○張士誠稱吳王以其弟士信為丞相九月班師還告廟飲宴論功行賞賜常遇春廖永忠及俞通海田餘賜金帛有差是月上復親征陳理

出言吐氣真王者規模

神效鬼服天照之言

古帝王莫及

十月至武昌命諸將分兵於四門立柵圍之乃於長江中懸舟為長寨絕其出入之路○十二月上還建康常遇春督諸將守之○上初居除陽暮下志未得伸一日咏雲竹云雪壓竹枝低雖低不着泥明朝紅日出依舊與雲齊死然帝王氣象見矣○上嘗醉中咏菊花詩云百花發時我不發我若發時都嚇殺要與西風戰一場滿身穿就黃金甲其後天兵俘上誠殪交諒與克元都之日皆在八九月間而大業以定詩識果足徵云○上初征陳友諒王師至瀟湘賦詩云馬渡沙頭首帶香片雲片雨過瀟湘東風吹醒英雄夢不是咸陽是洛陽又嘗遣都督僉事楊文廣征南賜之詩曰大將南征膽氣豪腰橫秋水呂虔刀雷鳴甲冑乾坤靜風動旌旗日月高世上麒麟真有種穴中螻蟻竟何逃大標銅柱歸來日庭院春深聽伯勞天龍層漢豪宕英邁而音律和暢酷似盛唐格局古帝王莫及也○上既有天下建廟以祀歷代之帝王自伏羲以下皆設塑像至元世祖其面

不替進子孫天下大物被人收去了啼淚又何為

鮑頻諫燕不可都

不毀孫樵墓

許觀妻子死節

屢為淚痕所汚想上頗加修飾越宿如故上聞之幸廟對之曰癡鞋子爾以胡人入主中國傳祚幾百可謂幸矣乃今曆數在予奄有天下於汝子孫曾不加害但驅還漠北而已則我之待汝嗣亦可謂恩而有禮矣汝復何恨耶宜自寬釋毋再啼哭為也明日視之淚痕滅矣○上平天下即有都燕之意嘗御謹身殿親策問廷臣曰比平建都可以控制胡虜比南京何如翰林修撰鮑頻對曰胡生起自沙漠立國在燕及是百年地氣已盡不可居也今南京興王之地宮殿已完何必改圖傳所謂在德不在險遂止○南京孝陵城西門之內有吳大帝孫權墓在焉當時築城者奏欲去之○上笑曰孫權亦一好漢子也宜留以守門遂得不毀○洪武二十四年三月廷試進士許觀等五十一人及第出身有差觀貴池人字潤伯三試居第十復姓黃仕至禮部侍郎死於靖難妻翁氏女二人亦死節以革除事故無傳者世但知商輅三元也○上聞元學士朱升名召問天

下大計升不語扣之得王乃曰高築牆廣積糧緩稱王

上稅買之命預

帷幄密議○陳謬為刑科給事中遇事剛果每奏事聲響甚宏聽者悚然

上試令餓之日奏對如前 上曰是天生也每見呼為大聲秀才○明天

大相呼
陳謬為
大聲秀
才

淵者仕元為學士美鬚長且數尺及元亡削髮為僧而其鬚如故 上

既有天下召至恠而問之曰汝不欲仕我而為僧吾固任汝然鬚亦有

削髮除煩
惱自歸表
丈夫其存
心亦不凡

說乎對曰削髮除煩惱留鬚表丈夫上笑而遣之○江陰有焦某者為帝

掛冠
帶而
歸

舊人屢召不赴將使人搜索焦忽荷雞酒由御道入 上喜其至以物付

常言非

光祿治具共飲甚歡出金銀角三幣令其自取以官之焦取其角因授以

千戶數日徑出高橋門掛冠帶於樹間而歸○彭友信者攸人也歲貢至

有學有
行之君
子

京一日 上微行途中相值忽見紅霓 上因口占二句云誰把青紅線

兩條和雲和雨繫天腰友信即應聲玉皇昨夜鑿與出萬里長空駕綵橋

布政亦
一王

上異之相約詰朝候於竹橋同早朝明日彭往候久不至遂失朝已而宣

入曰有學有行之君子也以為比平布政使○上登極後嘗命數星士遍

欲顯常
以財賄
奉助

行天下但有年月日時與聖造同者即以聞既而乃得一人遂召至京

上曰汝何為者對曰村氓也曰家富乎曰貧無一畝之產曰然則何以為

而怕死
和尚

生曰臣惟養蜂十二窠每年割所釀蜜食之以自贍耳 上笑曰是也朕

為帝有十二省布政汝為百姓有十二窠蜂布政亦一王也蜂每窠必有

一主大小雖不同其所統轄則無異也孰謂命不足信乎乃賜以酒肉而

遣之○金碧峯勝國高僧也寓宣州上初過江元氏一降臣迎謂曰將軍

欲霸我當以財賄奉助 上怒叱曰我應天順入力行王道汝欲以霸視

我耶降臣曰若欲行王道可尋宣州金碧峯必有所授 上抵宣州訪其

乃云建康有地可至此非帝王居也 上納其言天下既定乃建寺京師

李卓吾批點皇明正續合併通紀一卷終

延碧峯主之。山西平陽有金箔張者多幻術。上聞之取至南都問所

術張答曰臣無他術僅能頃刻植蓮及瓶中出雲為戲耳命為之就於袖

中取出鐵瓶注水書五符入其中用火炙瓶口氣出如縷漸淪成五色

祥雲彌布殿上又以蓮子撒金水河須臾蓮開花萬柄鮮妍可愛少焉剪

紙為採蓮船放水面乃見張在船上唱蓮歌東風汎汎為樂上喜大笑

忽失所在蓮與舟俱不見上亦不之追也。洪武初京師既定上行

視謂劉基曰城高如此誰能踰之基笑曰人無能除是燕子會飛入耳燕

子者燕國之子指太宗而言之蓋隱語也然則基當時固已知燕王之必

有天下矣。

五色祥雲

剪紙為採蓮船

已知燕王之必

李卓吾批點皇明正續合併通紀一卷終

102

2

十

李卓吾批點皇明正續合併通紀一卷終

